

四庫全書

史部

欽定四庫全書

浙江通志卷一百七十四

人物_四

武功_四

金華府

漢

楊璇

後漢書本傳字璣平烏傷人舉孝廉靈帝時為零陵太守時蒼梧桂陽猾賊相聚攻郡縣賊衆

多而璇力弱吏人憂恐璇乃特制馬車數十乘以排囊盛石灰於車上繫布索於馬尾又為兵車專

穀弓弩尅共會戰令馬車居前順風鼓灰賊不得
視因以火燒布布然馬驚奔突賊陣因使後車弓
弩亂發鉦鼓鳴震羣盜波駭破散追逐傷斬無數
梟其渠帥郡境以清荊州刺史趙凱誣奏璇身非
破賊而妄有其功遂檻車徵璇乃噬臂出血書衣
為章具陳破賊形勢又言凱所誣狀潛令親屬詣
關通之詔原璇拜議郎三遷為渤海太守
免後徵拜尚書僕射以病乞骸卒於家

三國吳

駱統三國吳志本傳字公緒烏傷人試為烏程相孫
權召為功曹行騎都尉出為建忠郎將領武射
吏三千人凌統卒復領其兵時徵役繁數重以疫
癘民戶損耗統上疏曰民以君安君以民濟今強
徵未珍海內未乂三軍有無已之役江境有不釋
之備願深圖遠計育殘餘之民阜人財之用權感

統言深加意焉隨陸遜破蜀軍於宜都遷偏將軍
黃武初曹仁攻濡須使別將常雕等襲中洲統與
嚴圭等共拒破之封新陽亭侯後為濡須督數
陳便宜前後書數十上所言皆善黃武十年卒

留贊

三國志注字正明會稽長山人少為郡吏與黃
巾賊帥吳桓戰手斬桓贊一足被創遂屈不伸

性烈好讀兵書及三史每覽古良將戰攻之勢輒
對書獨歎因呼諸近親謂曰天下英豪並起歷觀
前世富貴非有常人而我屈臂在里巷之間存亡
無以異今欲割引吾足幸不死而足伸幾復見用
死則已矣親戚皆難之贊引刀自割其筋血流滂
沱氣絕良久家人驚怖亦以既爾遂引伸其足足
仲創愈以得蹉步凌統聞之請與相見甚奇之乃
表薦贊遂被試用有戰功稍遷屯騎校尉諸葛恪
征東興贊為前部合戰先陷陣大敗魏師遷左將
軍贊為將臨敵必先被髮叫天因抗音而歌左右

應之畢乃進戰戰無不克後以
病困被害二子畧平並為大將

唐

厲文才

傳詳
循吏

宋

杜伯僖

兩浙名賢錄字安常東陽人猿臂善射熟韜
畧多智計宣和盜起大將楊惟中率師進討

伯僖仗策謁於軍門惟中與言大喜留之幕下運
籌制勝出奇無窮每與賊對勇氣溢發橫戈而前

賊無堅陣賊平授誠忠郎轉台州鎮將歷史館檢
閱紹興間妖賊嘯聚東鄉鎮將王公雅問計於伯

僖曰愚民迫飢寒弄兵山谷間非其本心但賊厥
渠魁則脅從自解若縱兵窮討必且濫及無辜公

雅從之民獲保全後其子幼常幼偉孫士
賢俱登右科躡顯仕人以為陰德之報

黃仁環

清陽人物志縣之上洛人以武悍為閭里雄
方臘起睦州往曹聚賊仁環以能自歸

得官受沿邊差遣建炎元年山賊何三五作亂仁
環呼諸子謂曰吾受國恩恨無以報誓當以計擒
賊乃與唐子容謀偽與賊合賊信不疑仁環謂其
首曰今欲破縣兩主首俱行誰守洞汝等留此吾
先破陣於是引衆鼓而東行十餘里至朱村分路
口乃詭分兩道出攻虛整部伍密令子容等各插
竹葉為標識部分既定仁環大呼曰轉陣殺賊子
容奮兵夾擊賊十餘人無得脫者初仁環有女嫁
盜黨中或曰如愛女何仁環曰吾第恐事不就耳
一女何惜其女竟為盜所殺後官至訓武郎卒鄉
之人祀

陳宗譽

陸游陳宗譽墓誌字彥聲東陽人宣和中盜發旁郡東陽民有將應之者宗譽為言逆順

禍福得不從亂安撫使因令悉將其鄉兵宗譽設方畧明部伍悉出家資激使用命有潰卒阻林莽

且數百人宗譽馳一馬往招之皆感泣願效死東陽當橫潰中而能獨全不為盜區者皆其力也安

撫奇其材欲官之辭不受建炎初羣盜四合州縣復以禦賊事屬宗譽所立尤奇偉以功補承信郎

遇登極恩遷承節郎時貽軍守奏為沿淮巡檢不赴卒

陳巖

成化東陽縣志守伯威狀貌奇偉膂力絕人睦寇陷睦州巖與弟叟偕義集鄉兵禦之大破賊

徒宣撫上其功授承事郎弟士澄字彥清當禦賊時年尚幼值二兄嚴叟他出忽一人稱朝使叩寨

求入大言曰有旨逮汝兄弟士澄徐曰吾兄為國禦寇有功無過汝必奸人叱左右縛之果賊所使

憲使聞之辟置南
劍州都巡檢使

趙權

萬厯義烏縣志義烏人宣和初睦寇猖獗羣盜相挺而起權詣大將楊惟中請獨當所居縣北

永寧鄉一面而以官軍分布縣東西南三境連破青口光明上清諸洞擒其洞主權乃令隣里協力

守北鄙親部鎗杖手四出殺賊事平安撫使劉韜上其功於朝補迪功郎充本縣尉

高庶

正德蘭谿縣志蘭谿人世以贊豪於邑始為諸生試有司不利父曰仕進非一軌能佐國用如

卜式可也乃入粟補太廟齋郎調授迪功郎主簿弋陽攝尉臨海又辟昌化尉未行會青溪賊寇陷

郡邑庶募勇士合理衆揚兵固壘盜不敢犯以功當超五階遠兄之仇與在賞中乃不受賞防遏使

錄庶他功奏
遷右修職郎

何渠

萬歷金華府志義烏人多材畧睦寇竊發詣軍門獻策主帥楊惟中用其言以取勝補承信郎

監恩州酒稅營卒謀為變密白郡守而往誅其元惡釋其誣誤上功轉承節郎神武後軍統制劉光

世辟主管本

府機宜文字

江渙

嘉靖武義縣志字德濟其父有膂力渙亦壯勇睦寇起縣檄其父子防守柵隘屢以少擊衆保

全鄉邑寇平渙應効用得官後隸淮西鄴瓊麾下紹興七年瓊叛殺叅謀呂祉舉軍降劉豫將出境

渙與其屬謀曰吾儕誓忠義死國詎可為降俘夜與其徒還得祉首至楊子江乏舟渡埋其首江皋

識其處遂解甲揭槍浮渡遠行在所時方收社家屬鞠之渙明其不叛且告所以命押渙取祉首得

之埋處已不可辨獨祉女與父行時將括髮我製以紫羅紉以皂線按驗不誣赦其家出獄紹興末

任廣東水軍統領克海寇以
一矢殫其渠魁後卒於官

葉介

金華賢達傳字方叔武義人淳熙進士歷官通判邵武軍泉州南海寇為亂介召軍將密授方畧

遂擒羣盜後以奉直大夫
主管台州崇道觀卒

呂渭孫

金華先民傳字希祖東陽人紹熙武舉及第開禧初從軍為殿前司統領官薛象先宣撫

荆湖用為本司神勇軍統制使募兵禦金悉帳前
千人授之渭孫坐教場立紅白二旗於下謂衆曰
此行當以死報國能偕死則偕往愿行者立紅旗
下不愿者立白旗下趨立紅旗下者僅四百人渭
孫以六百人還宣司因下堂勞四百人徧拜之然
後出軍有軍士入人家擊碎二釜者渭孫立笞之
所過秋毫無犯更募士得四千人率守樊城累
立戰功後為副統制魏有諒見疑被其壻所殺

王震

宋史本傳字定契東陽人少有奇氣試武舉中絕倫異等授承節郎從軍於鄂帥鍾興嗣以震

為隨軍都錢糧官專一教閱總效軍尋委帥師守禦黃州沿江制置副使李璿辟置幕下震於軍事無所不言謂招募良家子不可以資緣關節習防守江面全藉正軍用兵不可以人數多寡惟教習精則勝理宗即位充浙西副都監鎮江都統趙勝辟為計議官李全寇鹽城攻海陵勝出戍揚州震從行至揚子橋人言賊兵昨日在南門去將安之震竟至南門以帥憲之命董三城事勝次第出城按戰震身先士卒大小十八戰無一不利奪賊濠築土城焚城門賊氣為懾差知應州兼沿邊都巡檢使諸道兵將往收復楚州震帥所部為犄角之助召試為閤門舍人入對言恢復之說有二曰規撫曰機會規撫既立然後養旗一麾諸道並進臣願效前驅壯兵至以震知光州冒雪夜行倍道馳

至州整飭戰守之具大戰於謝令橋光人遂安台
為吉州刺史仍知光州霆固辭丞相鄭清之制置
使史嵩之皆以書留霆霆不從曰士大夫當以世
從道不可以道從世也再授閩門舍人遷淮西馬
步軍副總管知高郵軍充沿江制置副使同計議
官霆撰沿江等邊誌一編上之知壽昌軍改蘄州
常曰兩淮藩籬也大江門戶也三輔堂奧也昭書
杜範乞暇江審察形勢置三新城蘄春置於龍眼
磯安慶置於孟城淞
陽置於宣化不報

王埜

宋史本傳字子文寶章閣待制介之子嘉定進
士紹定初汀邵盜作辟議幕叅贊攝邵武縣後

復攝軍事盜起唐石親勒兵討之後為樞密院編
修魚檢討襄蜀事急史嵩之帥武昌首進和議埜
言今日之事宜先並力攻守上疏言八事繼為副
都承旨奏請出師絕和使命淮東西夾攻理宗深

然之淳祐初赴闕奏祈天永命十事拜禮部尚書
為兩浙轉運判官以訪察使出視江防首嘉興至
京口增修官民兵船守險備具為江西轉運副使
知隆興府改知鎮江府兼都大提舉浙西兵船江
而幾千里調兵捍禦以守江尤重於淮瓜洲一渡
甚狹請免鎮江水軍調發專一守江置遊兵萬人
巡江上增創水艦就揚子江習水戰登金山指鹿
之是冬揚子橋有警急調遊兵救之而退淳祐末
遷沿江制置使江東安撫使節制和州無為軍安
慶府兼三郡屯田行營留守巡江引水軍大閱舳
艫相銜幾三十里憑高望遠考求山川險阨謂要
務莫如屯田講行事宜推京口法創遊擊軍萬二
千蒙衝萬艘江上晏然寶祐二年拜端明殿學士
簽書樞密院事封吳郡侯主管洞霄宮卒贈七官
進位特

唐韶

趙與諍唐韶墓誌字子和蘭溪人嘉泰四年以漕魁中南省第二嘗辟沿江制置司幹辦公事

制使史嚴之使往襄陽勞師時元兵在境江面緝騷船駕舟直上使其子良嗣率死士前進所向皆克直造襄陽呂文煥喜乃出軍數萬攻其兩端韶與元兵大戰中流破敵而出巖之上其功陞南陵

知縣

范士表

傳詳循吏

元

王安國

金華先民傳字靖翁寔之孫也個儻有志畧宋以門功授成忠郎及元平宋江南兵起安

國以策干大帥高興厯陳撫綏之計與語意合即畧東陽尉能布威立信以馭其民玉山人婁尊等

恃險為亂殺宣慰使陳天祐行省左丞史弼將兵來討安國詣軍前效謀親入賊窟手縛渠魁以獻弼喜曰使兵不血刃而獲賊者爾力也將薦用之以親老辭後妖賊楊鎮反玉山境接寧海據為巢穴勢甚張安國率鄉兵扼險拒之賊從間道出義烏遇官軍與戰賊衆奔潰遂擒其首安國為人謹厚重然諾民服從之訟不直於官而惟尉言是直鄉間賴以安靜者二十年

陳萍

金華先民傳蘭溪人宋丞相宜中弟之子宋亡育於外家楊氏元世祖物色宜中子孫得之奇

其骨相厚遇之萍刻意於學兼通梵教於騎射亦精賜名年扎克策喇實入侍東宮日見親幸成宗時吐蕃強盛邊人告警以萍領吐蕃宣慰使帥兵討平之悉定其地賜上樽襲衣巵論甚至武宗朝以萍習知西事特命撫寧邊陲初入境有數千騎整衆而來萍與之遇亟令從騎解鞍列坐環以重車

如城郭左右指揮外示閒暇敵疑有伏懼莫敢前
有以所戴白帽揭於竿首者萍引弓一發中之遂
驚駭而遁由是諸部服從不敢叛入朝
以功拜大司徒進階銀青榮祿大夫

陳遠大

柳貫陳遠大墓誌字宏父浦江人元興邑里
初附山谷獠強猶負固間出寇攘遠大釋儒

服從軍首建購捕之方次陳綏靖之畧凶渠既得
餘孽悉平幕府上其功而遠大亦隨計至京師得
試將仕郎辰州路施容州判官未上而隣土有警
郡復檄遠大至麾下資其智勇多所俘獲大帥府
材之改全州路清湘縣丞時方有事交趾全當孔
道魏餉所出徵發調遣郡獨倚遠大以辦在官八
年進從仕郎贛州路信豐縣尹贛有廢縣龍南居
豫中而以其地隸信豐南安萬戶府蓋僞處其縣
官命分卒為六屯使耕龍南曠土自食其力以備
捍禦久之招納七命素鑰姦私民甚忠之遠大上

欽定四庫全書

卷一百七十四

其事請復置縣徙其軍轉承事郎溫州路平陽州判官免歸秦定三年卒

蘇友龍

傳詳循吏

明

呂文燧

史鼎字用明永康人元末處州盜起掠永康文燧散家財募壯士得三十人與盜屢戰盜

敗走三授以官皆不受太祖克婺置永康翼以文燧為左副元帥兼知縣事復召為營田司經歷擢

知廬州浙西平更授嘉興知府松江民作亂龔嘉興文燧柵內衙集壯士拒守而請救於李文忠移兵擒之諸將欲屠城文燧爭曰據城者賊也民何罪得釋滿三載入朝奉詔持節諭閩粵國次興化

疾卒

吳文秀

浦陽人物補遺字啟明有膂力習騎射兵法元季寇盜縱橫文秀集鄉人累石為砦以捍

忠明兵取紹興率衆歸附以計開錢清濠兵遂大捷免其家差役以旌其義後授宣武使卒

陳顯道

金華先民傳字如晦東陽人好學明經旁通天文地理律歷兵機元季兵起悉散家財團

結義旅以衛鄉井據險守要寇不敢侵戍明太祖下婺城駐蹕赤松宮顯道詣行在上謁具陳濟世安民之畧上悅留置左右參決大事時方國珍據台溫明越未下特命顯道往諭國珍款上賜顯道手劄和其詩以寵嘉之歷官江南湖廣二行省都事擢將作少監督造宮殿尋復遣諭國珍兄弟納土入覲升尚寶司少卿出為臨洮知府俄召還復職卒

蔣鏞

宋濂蔣鏞墓誌字可大其先安吉人遷浦江少豪縱不羈喜結賓客嘗慷慨曰大丈夫不能致

君於朝廷之上則當封侯於萬里外元季兵動鏞奮身與鄉人保聚高山境內怙之老幼妻孥照姬相養難夫無恙如平時明兵南抵蘭溪以檄召鏞至轅門上愛其才惜其年曰老矣大將胡大海薦之俾逐突冠常昌軍於義烏鏞率義兵數萬人破之殲其渠帥梟首及獲俘馘以獻上嘉之命為浦江翼右副元帥攝分閩事以治浦江軍肅民安明年伐越得諸暨又命移鎮諸暨又明年以老告大海為請於朝以職授其子城歸十年而卒

王威

萬厯金華府志字仕龍義烏人佃僮有勇力元季寇犯永康威集兵聚戰黃龍寨破之明兵下

發威率眾歸附從征以功陞紹興衛後所副千戶

吳志德

金華賢達傳字惠卿幼尚氣節從祖直方器元季盜起志德率義勇保安鄉里明兵下

浦江急德率衆迎謁從取諸暨及處州皆著勞績
魏偽將獻馘棘門以功授浦江翼左元帥尋以疾
歸辭

周德璇

金華先民傳東陽人少好勇有大志明兵克
婺城德璇委身歸附累立戰功授正千戶陞

駕前親軍指揮僉事太祖以其勇而有謀命鎮守
北平永樂間嘗帥兵逐北追至黑松林獲其輜重
斬級功多陞隆慶衛
指揮同知子孫世襲

王應

金華賢達傳字思正浦江人洪武中授廣東布
政使司左叅議時盜發南海官軍不能平應率

義旅以蛋船為聲援入其巢穴擒渠
魁而殲之餘黨悉平轉河南左叅議

盧睿

傳詳
名臣

龔永吉

獻徵錄字天民父給事中秦死建文之難永吉領鄉薦宣德丙午投兵部主事扈駕征樂

安正統時陞郎中被誣謫戍平涼以兵部尚書王驥薦詔驛騎取之時副總兵趙安兵部侍郎柴車

將兵出涼州以永吉為佐軍執馘而還驥討麓川緬甸西巡延綏寧夏莊涼甘肅等處永吉俱佐軍

秦功凱旋擢大理少卿天順初累陞兵部右侍郎改南禮部乞休卒

劉琮

西江志金華人正統中為南安通判石溪妖民孫志榮作亂琮親冒矢石一鼓平之

吳百朋

獻徵錄字惟錫義烏人嘉靖進士授永豐令徵拜御史按淮揚碎遇倭亂被甲登城籌兵

食盡戰守賊不敢逼累陞右僉都御史撫治鄖陽改提督南贛軍務會倭寇海陽與兩廣都御史督

諸道兵四面擊之捕斬無算已又敗倭於烏石又戰澁水神山賊兵燬又敗倭於海豐初賊首楊一

戕殺長吏勢張甚而蘇阿普賴忠潭等依山阻險
百朋懸賞格陽為招附陰督大軍張左右翼擊之
遂平洪田再破香寮又移師擊藍松山程鄉擒之
轉戰大田俘梁國相等別攻乳原始興賊殲之又
會師破吳平漳湖遣將士擊二原寇盡殲時二巢
最稱桀黠賴清規巢下歷李文彪巢岑岡謝允樟
巢高沙衆號數萬盤牙累歲攻之甚難百朋請移
鎮信豐授叅將蔡汝蘭等方畧率師討之擒清規
於苦竹嶂餘黨悉平隆慶時擢兵部右侍郎萬曆
初命閱視三鎮百朋條上便宜四事曰繕垣屯田
備邊防河又進邊圖凡關塞險隘與士馬強弱
亭障遠近歷歷如指掌陞刑部尚書卒於官

徐瓚

獻徵錄字朝儀永康人嘉靖間任雲南按察使
土舍安銓叛撫按知瓚才凡軍事悉以諮瓚乃

議以土司攻土司調元江蒙化鎮沅等處土兵佐
以漢軍分統進勦已獨苗中議處糧餉閱習召募

事皆立具晝夜登城徇師至廢寢食立招降大旗陰誘脇從仍造小旗十餘書同心協力各保自家八字於上令各執聽撫緣是降歸者日衆賊勢遂衰明年春土舍鳳朝文繼叛與銓合進圍省城璣登埤呼寇諭以朝廷恩旨寇皆伏地請降且以復官為言璣諭令退舍俟命寇遂退璣即夕走使掣回各哨官軍厥明合擊賊盡潰渠魁逃逸設方畧擒之俘獲萬餘簡審無辜悉為開釋擢本省右布政使進左布政

陳大成

萬厯義烏縣志義烏人嘉靖三十七年八寶山礦徒生發嘯聚萬人大成糾率義旅勦除

之遂以武生應募統親兵五千赴台防守四十年四月倭犯台州花街白水洋等處叅將戚繼光遣大成領兵衝鋒俘斬倭首百餘執回男婦三十名口既而調往江西援勦流賊戰於弋陽斬獲甚多

四十一年倭犯太平又敗之於烏根嶺時福建寧德縣被倭陷久據大成統衆隨繼光直抵寧德克復城濠前後告捷凡十二授台州衛指揮僉事陞浙江中軍都司時倭寇既殄而士卒多虛糜廩糧大成建議領兵屯操每年春汛四箇月照舊給糧出守六箇月減糧回縣逢五赴操遇警聽調兵既得以附家地方又可保守院道是其議裁省銀九千七百餘兩減派山蕩額稅之半

吳良

知隆慶東陽縣志字廷通幼業儒既冠習孫吳法通弓馬戰陣之術嘉靖時倭寇為患海道

譚綸薦授把總何家壟長平街等處將兵不滿千人三戰三捷救還被掠男婦數千人陞台州衛指揮守備討南韶龍眼洞賊與官祖政等會戰於李村一鼓擒之又大捷於大羅山斬賊首吳子和等前後數十餘戰皆莫當其鋒陞浙江都司歷廣東瓊崖叅將每戰必誓師令毋妄殺鹵掠故所向成

功

葉大正

崇禎義烏縣志字子中義烏人尚氣節以諸生入太學與戚繼光邂逅知契從事於戚如

閩平倭恢復興化政和壽寧救被掠男女二千餘當事上其功授延平府判

王如龍

閩書義烏人以功授北路守備時南路尚梗總兵戚繼光畱之援仙遊城破漳浦園皆有

功復發卒昇石為寧德築城臨陣每衝鋒陷敵倭據橫嶼小石嶺二處皆擣其穴陞福建都指揮擢

廣東
參將

金傑

廣西通志湯溪人嘉靖三十三年以舉人知富川縣會湯溪寇起傑定計勦之賊大挫而適嗣

是諸峒帖服
境賴以寧

虞德華

崇禎義烏縣志字光卿隆慶進士授行人進兵科給事中出守揚州備兵辰沅時漕卒稱

亂糾合唐喬奉若等六十餘寨并廣西貴州諸苗入犯德華奉命勦撫得賊聞張好一安松等於靖州囚籍中因曰昔王文成用王受輩平恩州以夷攻夷吾其得志於此二人也因釋其縛陰約之還寨隨簡精銳嚴陣臨之果得唐奉二渠首賊黨悉解後以雲南叅政謝事歸

王世德

金華府志字長民永康人萬曆進士由閩縣令陞工部主事累擢湖廣副使備兵下江屢

擒劇盜遷右叅政監軍貴州安邦彥謀犯省城世德請駐節威清待之邦彥圖威清世德募死士守御會大風遂破賊營陞本省按察使仍監軍平苗寇陞廣東左布政劉香老犯廣州世德調閩將鄭芝龍夾擊香老於廣洋香老溺死叙功擢左副都御史巡撫雲南去廣時庫中羨金數萬世德悉籍

以充軍需抵雲南萬民結黨為亂世德築堡
建屯諸逆斂跡以疾卒於官贈兵部右侍郎

衢州府

晉

毛璩

晉書毛寶傳字叔連弱冠右將軍桓豁以為參
軍尋為謝安衛將軍參軍除尚書郎安復請為

參軍轉征北司馬淮淝之役苻堅逆走璩與田次
之共躡堅至中陽遷寧朔將軍淮南太守尋補鎮
北將軍譙王恬司馬海陵縣界地名青蒲四面湖
澤皆是菰葑逃亡所聚璩建議率十人討之時大
旱因放火菰葑盡燬亡戶窘迫悉出詣璩自首近
有萬戶皆以補兵朝廷嘉之轉西中郎司馬龍驤
將軍譙梁二郡內史安帝初進征北將軍桓元加
璩散騎常侍左將軍璩執璩元使不受命元以桓

希為梁州刺史以防之璩傳檄遠近列元罪狀遣
巴東太守柳約之建平太守羅述任北司馬甄季
之擊破希等仍率衆次於白帝安帝詔曰益州刺
史璩體識弘正誠契義旗受命偏師次於近畿臣
翼之勲實感朕心可進征西將軍加散騎常侍都
督益梁秦涼寧五州軍事義熙中論討桓元功追
封歸鄉公明一統志晉毛璩西安人祖寶仕
為盧江太守自寶至璩凡三葉皆推節旌

隋

祝桃根正德江山縣志字伯芝平賊蔡道仁羅惠
方都督柏懋上其功授開府儀同三司

唐

張自勉衢州志原名御字子平開化人少習戎事
唐末盜起屯戍捍禦鄉郡以安調隸征南行

營父曰汝宜自勉成功遂更名自勉後以破黃巢王仙芝功拜淮南招討使

宋

張瓊

宋史新編少有勇力隸太祖帳下周顯德中攻壽春太祖乘皮船入城濠城上軍弩遽發天大

如椽瓊以身蔽矢中股死而復蘇鏃著髀骨不可拔瓊索杯酒滿飲破骨出之血流數升神色自若擢典禁軍累遷都虞候嘉州防禦使兩浙名賢錄字伯玉其先自館陶徙衢遂為常山人

趙岵

西吳里語字景東衢州人宋宣和時青溪盜起岵時知德清縣他邑令聞盜望風而遁岵獨發

倉廩集寔健團保甲賊犯境岵邀之擒其首二人賊二百餘斬首數百奪其器械以千計邑賴以全邑人立生祠於乾元寺

鄧熹

正德江山縣志江山人有勇畧客遂昌梭溪睦寇餘黨洪載犯遂昌松陽熹與父合鄉民禦之

大小百餘戰載降二邑獲全父子皆補官熹因劇遂昌孝宗朝擢為王府官

劉敏士

謝諤劉敏士墓誌字文伯西安人為臨川紳曹賊白魏笈破吉州敏士與判官江山柴紱

保城岳飛至欲奏以功辭曰若爾守倖必被罪飛歎服繼知楚州金欲取海州圍甚急詔敏士救之

與張子善謀攻淮陽金必棄海州已而果然張浚奏其功除淮南運判移浙漕終於湖南

余玠

宋史本傳字義夫少為白鹿洞諸生以功補進義副尉累功至大理少卿淮東制置副使進對

言今世宵之彥塲屋之士田里之豪一或即戎即指為麤人介為噲伍顧視文武為一理宗曰卿人物議論皆不常可獨當一面乃授權兵部侍郎四川宣諭使玠自許當手掣全蜀還朝廷其功日月

可冀尋授四川安撫制置使兼四川總領夔路轉運使玠入蜀大更弊政遵選守宰築招賢之館供帳一如帥所居下令集衆思廣忠益豪傑之士趨朝立事播州冉氏兄弟璉璞有文武才隱居巖中聞玠賢詣府上謁即與抗禮賓館之居數月請見曰某兄弟辱明公禮遇思有以少裨益為今日全蜀計其在徒合州城乎蜀口形勢之地莫若釣魚山請徙諸此若任得其人積粟以守之賢於十萬師遠矣巴蜀不足守也玠大喜密陳於朝詔以璉為承事郎權發遣合州璞為承務郎權通判州事徙城之事悉以任之築青居大獲釣魚雲頂天生凡十餘城皆因山為壘碁布星分為諸郡治所屯兵聚糧為必守計誅潰將以肅軍令開屯田於成都蜀以富實玠率諸將巡邊直持興化與元兵大戰又大戰於嘉定寶祐初卒特贈五官玠之治蜀也輕徭以寬民力薄征以通商賈蜀既富實乃罷

京湖之餉撤東南之戍自寶慶以來蜀閩未有能
及之者弘治開化縣志玠祖籍蕪水渡江後居開

化縣之
金水鄉

徐汝一

衢州府志字伯東西安人文武兼資好謀能
斷景定二年以戰功勅授武翼郎福建路馬

步軍副總管崇陞至通州守
忤賈似道歸至鎮江疾卒

元

徐仲

正德江山縣志字景吾有勇畧鄉寇金曾三割
掠鄉邑殺官吏焚廬舍仲率義兵數千人擣賊

巢生致其酋
以功授縣尹

明

楊順

弘治龍游縣志字伯康明師克東陽率眾歸命督一軍當枯寇連戰於靈山安仁皆破之從常

遇春攻衢州斬萬戶一人獲百戶二人尋命從胡大海取江西信州加武德將軍歸安衛正十戶子

孫世襲又於海上捕倭駐師金山感疾卒

席永

萬歷龍游縣志字孟常祖貴以功授小旗正統初永襲職時賊葉宗留鄧茂七相繼反寇福建

漳泉等郡朝廷遣將討之永在伍中大小三十戰生擒賊渠數人陞總旗尋隸石亨北征遇於雷公

山迤北三十里寇為披靡授百戶天順初從征兩廣有功陞副千戶明年從平荆襄獻俘於朝進大

寧中衛指揮僉事子孫世襲

汪金恩

兩浙名賢錄字天錫江山人以進士主政刑部歷員外郎中知桂林府時土番干紀屢挫

官軍當事議撫金恩曰小夷陸梁是不一大創則朝廷聲教將有不訖於遠者前委用非才以致挫衄奈何因噎而廢食乎當事即以檄委之金恩乃揀精銳授以方畧造大霧連日不解乘霧叩枚疾走令勇士數百人攀附而上先據巖險然後縱火焚其林箐大兵鼓噪而進連破一十八巢火焚墮崖死者不可數計俘斬七百餘當事上其功劉瑾抑之不叙轉致鳳陽勒令致仕歸其時饒寇搶攘力贊縣令為立城池邑人賴之

李承勛

續處州府志西安人世襲處州衛指揮同知嘉隆時海上多警撫案蒐羅各所將材萬厯

元年檄取標下練兵能尚節制號令森不可犯九年改領軍門總務十年浙撫標下東西二營悍卒以減餉故要挾撫臣承勛殫力拊諭始克安戢十二年春計擒首惡馬文英等九人歷陞探捕都司

南北遊擊叅將會倭酋闕白搆亂改山東備倭晉秩副總兵尋推鎮守山東總兵官署都督僉事朝鮮倭平督撫交章薦往鎮守用圖善後以原官提督南北水陸官兵防海禦倭綏柔安定且設備甚嚴釜山望倭之對馬島僅隔一洋水陸操演砲聲相聞島倭畏甚屏跡不敢窺伺鮮人賴以安枕接母計堅請奔喪格於例不得因割股寄奠二十八年推鎮守貴州尋改鎮守浙江左軍都督僉事總兵官卒贈驃騎將軍

徐大鵬

龍游縣志字翔雲少負膂力麻貴劉綎將兵征倭荷戟從之渡海屢戰悉捷播酋楊應龍

反綎往征討以大鵬為前驅直入婁山平地後從熊文燦征鄭芝龍芝龍降以功累授總兵崇禎己巳上書下兵部尚書張鳳翼得罪遂末減戍榆林黨庇之罪繫獄將斬會鳳翼得罪遂末減戍榆林

赦歸年九十
四終於家

呂之節

舊浙江通志字次公龍游人天啟舉人新昌教諭擢廣州同知嶺表不逞之徒往往煽亂

之節密計討捕反側遂寧尋擢嶺南道叅政粵東盜賊蜂起之節因時制變民賴以安未幾旋里七十餘歲卒

嚴州府

南北朝

周文育

南史本傳字景德少孤貧本居新安壽昌縣姓項氏年十一能反覆游水中數里跳高六

尺與羣兒戲衆莫能及義興人周蒼為壽昌浦口戍主見而奇之養為己子教之書計文育曰誰能

學此取富貴但有大槩耳教之騎射大悅司州刺史陳慶之使蒼將五百人往懸瓠慰勞白水蠻蠻謀執蒼以入魏事覺蒼與文育拒之賊徒甚盛一日中戰數十合文育前鋒陷陣勇冠軍中蒼戰死文育馳取其尸身被九創創愈辭請還葬慶之壯其節遣之奠訖盧安興為南江督護啟文育同行除南海令安興死文育與杜僧朋攻廣州為陳武帝所獲赦之隸麾下帝討侯景文育為前軍尅蘭裕援歐陽頎皆有功帝破蔡路養於南野文育為路養所圍四面數重矢石雨下所乘馬死文育右手持戰左手解鞍潰圍而出復進大敗之帝發南康遣文育將兵開通江路景將王伯醜據豫章文育擊走之帝軍至白茅灣文育常為軍鋒至姑孰與景將侯子鑒戰破之景平封南移縣侯帝誅王僧辯令文育督軍會文帝於吳興尅杜龕又襲破會稽太守張彪侯瑱據江州命文育討之未尅徐

嗣徽引齊人渡江據蕪湖徵文育還都嗣徽列艦於青墩至於七磯以斷文育歸路文育鼓譟而發反攻嗣徽嗣徽驍將鮑砰以小艦殿文育乘單舩舩跳入砰艦斬砰牽其艦而還因留船蕪湖自丹陽步上帝拒嗣徽於白城遠與文育會將戰風急帝曰天不逆風文育曰事急矣何用古法抽槊上馬而進衆軍隨之風亦尋轉殺傷數百人有功進爵壽昌縣公及廣州刺史蕭勃舉兵踰嶺文育督衆軍討之新吳洞主余孝頃應勃出豫章據石頭勃遣將歐陽頰頰苦竹灘傅秦據塘口城以拒官軍官軍船少孝頃有舩三百艘艦百餘乘在上牢文育潛軍襲之悉取而歸仍於豫章立柵時官軍食盡乃使人遺周迪書陳利害迪饋以糧於是文育乘船舫沿流俱下燒豫章所利柵偽退孝頃望之大喜因不設備文育由間道信宿達芊詔上流則頰勃下流則秦孝頃文育據其中間築城饗

士賊徒大駭顧退入泥溪文育遣周鐵武襲擒之
盛陳兵甲與顧乘舟而譙以巡秦城下因攻秦克
之勃在南康聞之衆皆股慄其將譚世遠斬勃以
降孝頃猶據石頭帝遣侯安都助文育攻之孝頃
退走新吳廣州平以功授開府儀同三司及周迪
破孝頃孝頃弟孝勤猶據舊柵擾動南上帝復遣
文育討之豫章內史熊曇朗率衆來會謀害文育
文育推心撫之曇朗害之於坐帝聞贈侍中司空
愍 諡忠

五代

童頴

十國春秋青溪人素有勇力武肅王時多若勤
勞拜西扇都巖將擢檢校太子賓客兼監察御

史

陸仁章

十國春秋睦州人少有大志以窮困為武肅王園卒王嘗游園見仁章術藝有智而志之

及淮南兵圍孫瑛於蘇州繞城三匝無路可通使仁章設計入城果得瑛報而出由是益加稱賞累遷兩府軍糧都監使轉內牙指揮使王堯文穆王與兄弟同幄行喪仁章進曰令公嗣先王霸業將吏旦暮趨謁當與諸公子異處乃命主者更設一幄扶文穆王居之告將吏曰自今惟謁令公禁諸公子從者無得妄入晝夜警衛未嘗休息息官至保大軍節度使同叅相府事

宋

錢暉

錢暉

新定續志暉淳安人與弟翬俱讀書尚氣節不仕宣和中方臘黨類尚熾翬

起鄉兵勦平之未幾金師大入翬與同里方庚引兵桐廬據牛山之險以敗之功聞各補承信郎

衛寇張花項尋犯歙且逼陸境又率兵敗之兩郡賴以安

方庚

兩浙名賢錄字彥通淳安人家世業農庚躬耕隴上喟然歎曰大丈夫當隨時立功以不朽奈

何沾體塗足甘以老農終耶昔周文育以大槩取富貴鄉里以為美談吾能荷七尺鋤獨不能運丈二槩乎遂擲鋤於地從人學兵法賣牛買劍橫磨之曰以此自立足矣已而平方臘破烏珠屢立戰功拜承信郎子五人文燧文博文郁文思文韜俱從庚於戎馬間有膽力能戰鬪淳熙間金人再寇乃裒義兵取勝文燧以承信郎出身官統制文博承信郎文郁進義校尉

王馬

嚴陵志遂安人宣和初方臘反從之者衆馬與里人余木杓獨不從朝廷遣王稟討之馬與木

杓請為先鋒遂擒臘及其妻子朝廷論功欲官之辭不就

余宗德

嘉靖遂安縣志宗德與王功勇力絕倫方臘始亂使人招之逃匿及王師至乃自請為先

鋒與韓世忠同擒臘朝廷論功累授秉義郎王功授承忠郎有告身二道藏其家

童淑

壽昌縣志淑身長八尺面如紫玉青睛虎鬚有膂力能挽強弓宣和中童貫討方臘淑從征有

功擢殿前將軍建炎中汪來一來二寇亂命淑討平之授江南路安撫使卒贈太尉

詹至

張棧詹至墓誌字及甫嚴州人崇寧進士建炎初除陝西轉運使金騎再沒河由陝洛長驅至

秦隴將及鞏郡守假他檄去至即日合兵民七千人授甲登陴全騎至城下大呼趣降至命以勁弩射之圖合數重部分既定歸與家人訣竭家資犒軍金盡力攻五日不能破會至所乞熙河兵至金遂遁去城卒全以親老辭改御營平寇左將軍隨軍轉運判官主管臨安府洞霄宮起為江淮招討

使司隨軍轉運副使紹興初知常州改徽州丞相張忠獻督師辟主管機宜文字是時金日窺邊諸將列屯淮漢幕府議軍事曲折必委至往諭意析理會情無不切當會母有疾力辭歸服闋提舉台州崇道觀知處州紹興十年卒積官至中奉大夫封建德縣男

俞汝霖

嘉靖遂安縣志字季澤深沉有智畧慶元年辰州淑浦縣山徭猖獗朝廷遣都帥官石

子慶發大兵討之汝霖應募乃同將官丁順等入洞生擒之毀其巢而還又捕九溪全洞之賊授承信郎官至都轉運使進階金紫光祿大夫

姚仁壽

萬曆桐廬縣志字靜山以進士充饒州路節制督監兵馬德祐初私募義勇據守關要有

兵犯關親冒矢石敵敗去元興歸隱山中世祖求遺逸州郡以仁壽應不起卒於家

元

周士顯

壽昌縣志字晦翁宋潛貢進士德祐二年元

巴延入臨安命裨將索多至建德安撫縱兵

標掠至壽昌士顯與邑人李炎等具酒物勞之說
以戢暴索多大悅表士顯為本縣主簿領部伍共

征閩海克捷有功
陞授千戶卒於家

明

王舉

嚴陵志字彥高桐廬人少有大志及長嗜學好
施鄉里歲歛發私廩以濟之元末兵亂與里人

謀曰四境寇盜竊發非集鄉民為之備則吾邑無
焦類矣且坐以待斃與戰死等耳衆皆曰然遂相
與協力保障明兵臨境舉等率鄉民歸附授義兵
萬戶未幾請戍鳳陽洪武間授其子瑄世襲所鎮

撫至孫昱陞授武畧將
軍青藍千戶所千戶

何春

嚴陵志字時熙淳安人膂力絕人至正十八年
明太祖自徽而嚴春仗劍歸附累立軍功授百

戶子斌武襲隸武昌衛景
泰初捍禦黃江陞副千戶

余仲友

萬歷遂安縣志任廣西布政司都事宣德間
太平酋長趙暹叛藩臬薦其才奉勅主討抵

其巢出奇計平之陞
河南布政司叅議

應顯

淳安縣志字文明正統進士授御史十四年奉
命巡視福建銀場賊林開三等鳩集處盜千餘

人剽掠顯調軍擒其賊首餘黨悉平景泰改元清
福建軍伍陞南京大理寺丞成化二年陞湖廣按
察司僉事總兵李震巡撫羅荒知其才檄治平溪
清浪衛選調官軍征勦靖州黃強苗寇事竣都御

史吳琛委修築江岸一千餘丈未幾都御史項忠復遣平荆襄流民之為亂者陞福建按察副使巡視海道漳州賊林輝英聚眾下海為亂穎遠官軍齋榜曉諭卒擒輝英以獻既而龍溪賊錢有定五千餘人劫掠潯命巡海官軍督捕悉就擒陞布政司左叅政致仕

周瑄

兩浙名賢錄字弘璧淳安人正統進士授南吏部主事改刑部員外郎遷福建按察使副使分

巡建寧時官軍調征沙游盜將乘虛而入瑄募民兵修武備且守且禦民賴以安已而盜犯政和松溪瑄嚴號令親披堅銳夾攻而進擒賊六百人追還所掠婦女以千計未幾高陽盜起瑄分遣儒生抵賊營諭以禍福寇亂遂解尚書薛希璉上其功賜文綺寶鏹進秩三品

方漢

兩浙名賢錄字孔毅淳安人景泰舉人天順二年授御史巡按甘肅遼北部入邊人民驚潰漢

歷邊招輯撫治番夷畏服成化三年巡按四川貴夷獠竊發朝廷命官征勦勅漢軍前紀功依法便宜行事漢督軍深入賊境設法搜捕地方以寧積功陞南通政司右叅議轉北通左叅議陞南

京大僕寺

卿卒於官

吳倬

湯斌吳倬傳字克大淳安人成化進士授南刑部主事遷貴州按察使僉事程番盜起守臣遁

走三司議發兵倬曰此可撫而定也單車諭降之都勻地形險阻蠻獠跳梁屢征不克弘治三年巡

撫都御史鄧廷瓚薦倬才擢都勻兵備副使時廷瓚討黑苗也富架等倬遣熟苗詐降誘令入寇因

伏兵擒之並執其二子諸路乘勝深入抵其巢穴凡破一百一十餘寨又賊圍官兵於合江州復率

師援之賊解圍走時倬威名大著賊望風奔潰是時萊蘭和壁梨田諸洞悉下坪麻六洞九名九姓

等諸苗亦皆歸附設府州縣控馭之貴州為之一靖廷瓚上平賊功倬進秩二級七年遷雲南按察

使移廣西十四年入覲卒於興安驛

俞諫

毛奇齡俞諫傳字良佐桐廬人弘治庚戌進士授長治令擢御史遷河南按察僉事雪花崖賊

呂梅聚眾亂諫率兵擒之正德三年遷江西參議平大帽賊鍾仕高累擢南右副都御史操江備賊

會東鄉新民王浩八叛詔諫督兵江西時浩八自萍鄉流劫諸縣轉入浙之開化而石埭生章仁與

浩八合副使胡世寧統新民艾如七往擊如七亦叛去陶琰發所部兵命參將李隆同知伍文定等

戰於華埠賊遁還江西乞撫隨撫連營十里諫乃合大兵攻之獲浩八餘賊奔玉山復推浩三

為帥諫督兵追擊浩三殲馬萬年賊首王重七鼓眾焚解舍諸賊嚮應諫調湖廣官軍二千并永順

土軍討之獲重七而如七亦就擒復討平臨川安
遠新塗諸餘賊論功進右都御史建昌撫賊徐九
齡復叛諫追討之斬九齡班師加秩一等先是宸
濠蓄異謀聲言得上賜欲撫臣以下朝服入賀諫
不可濠諷所親御史張鼇山劾罷之章甫下而捷
音至得不問還引疾家居嘉靖初起督漕運平河
南賊之流淮上者召入理院事
致仕卒贈太子太保謚忠襄

俞夔

兩浙名賢錄字舜臣建德人正德進士授安福
知縣宸濠之亂多保障功擢長沙府同知擒劇

盜彭思昶等五千餘衆陞四川按察司僉事兵備
安綿番禺玻柘等糾結神溪諸番入寇夔出奇擒
番酋千萬山等三十七人復古雉州侵地千餘頃
築平番赤土二堡陞本司副使兵備建昌建昌土
番雜居無肯躬至徼外者夔深入不毛番人吐舌
失氣鹽井土官刺馬仁等相讐殺夔督兵悉討平

之陞江西按察使歷
左右布政使卒於官

戴東旻

建德縣志字日文萬歷進士授歙縣令遷儀
部轉河南汝寧兵備副使時流氛日熾洛陝

川湖所在被寇東旻躬擐甲胄率祖寬左良玉陳
洪範諸將與劇寇張獻忠羅汝才李自成等四十

餘戰前後告捷以歙都御史撫治勦陽初獻忠入
楚破穀城圍光化東旻單騎馳赴賊乃解圍大破

之於雙溝等處獻忠勢窮乞降總理熊文燦主撫
東旻請先勦後撫閣臣楊嗣昌左袒文燦獻忠因

得安插穀城而東旻坐免未幾獻忠叛焚襄樊罪
主撫者文燦辭連東旻亦被逮後帝省東旻疏前

言盡驗欲再用
而東旻已病卒

章可試

遂安縣志字星華萬曆舉人崇禎中授舒城
縣張獻忠陷霍巢諸邑攻舒城可試選義勇

設奇制勝賊奔潰明年復來攻伏砲創之前後被圍十有四卒賴以全尋以養母歸

宋賢

建德縣志字又希天啟進士授常熟令民有前楊連後宋賢之謠擢御史掌河南道大計黜陟

一切書儀峻拒不受進太僕卿會山西巡撫缺人當召對帝曰若非掌河南道不受書儀者耶遂命往山西為神京右臂劇寇交訐賢增埤濬隍蓄糧置砲擒賊首過山龍番天鷄等乞歸加兵部侍郎子告癸未冬金華土寇竊發賢與知府胡崇德過寇黨王麒生加葺雉堞設法勦禦民賴安堵卒於家

陳熙廷

連德縣志字君穆天啟舉人為廣東連山縣知縣連為古廣德區徭徭雜處前令以勦徭

啟鬻兵連四載熙廷甫下車遂入巢招撫諭以禍福徭蠻悉平尚民虞山陽等謀為亂擒獲有功制

撫交薦其才選
廣西象州知州

吳希哲

淳安縣志字睿卿崇禎進士司李惠州勦九連山寇九連深阻交遠賊窟伏負嶠希哲設

奇制勝掃穴殲渠餘從解釋巨寇劉香肆毒海濱希哲以撫羈縻之潛修戢備約閩師會勦時寇舟

薄潮城聞吳司理至曰是官廉潔不為利誘願就撫希哲開壁諭之乃引舟退舍會閩師至希哲贊

畫出奇占風縱火焚擊寇艦巨寇殲焉擢刑科督理浙直練餉念東南賦役繁疲額外加輸一百八

十萬人吳門與撫案酌議急公復糾墨吏疎以佐軍需以紓民力漸次報完復命以年例調外

朱國玘

廣西通志嚴州人崇禎間任思恩知府隆安土賊馬日仙以妖術惑眾肆橫倡擻率眾犯

思恩國犯分遣官兵奇正互用一戰禽之餘黨盡散士民刻石紀其功

溫州府

漢

蔡敬則

溫州府志安固人少負氣節靈帝光和間舉孝廉授南陽令尋罷官歸建安中起義兵捍

寇有功授東郡都尉號令明肅境內又安進安鄉侯三國時江東盡為吳地敬則率兵歸農時邑有虎患倡勇除之歿後里人為立祠

宋

薛弼

葉適薛弼墓誌字直老溫州人政和進士任懷州刑曹歷遷光祿丞提舉淮東鹽事湖南運判

王瓊捕楊么久無功更命岳飛么據洞庭陸耕水戰樓船十餘大官軍徒仰視不得近飛謀益造大

舟弼曰彼之所長可避而不可鬪也幸今大旱水落若重購舟勿與戰逐筏斷江路藁其上流使彼之長坐廢而以精騎直擣其堅則破在目前矣飛曰善兼旬積寇盡平進直秘閣為戶部郎再知荆南桃源伍俊既招復謀叛弼許用為靖州喜曰我得據一州過桃源遠矣即出謝伏發擒之進秘閣修撰知虔州復知福州廣州歷南雄南安五州前後討蕩俞三古五官朱關索吳錦等賊相謂剥皮殿撰而閩八郡伍黑龍卓和尚岳崇廖七嫂滿山紅之屬數十萬弼教奇兵立左翼軍校陳敏為統制積四年平豪賊百七十部汀人李谷反信宿三萬人弼急會師斷其首尾夾擊之浹辰谷敗海寇陳小三載艘六十距境上給鄭廣兵三百與期三日求濟師不許二日大風賊不能進退盡擄以獻請曰吾以一擊十初意不能自全公料三日何也弼曰第從吾令無問所以然蓋機速神敏多此類

紹興二十年
卒於廣州

沈希稷

括蒼彙紀溫州人宣和初知龍泉三面通為賊區希洪載寇郡諸邑皆陷龍泉

與稷力為守禦得陳沔勇而知兵葉植勇而善謀相與練鄉兵設險守隘復乞師建安兵至寇師脅從之民以數萬計破浮雲攻東界沔分兵自安仁武溪軍於七赤賊黨遁去追至浮雲進柵石塘與戰大破之事平朝廷嘉其功增秩一級

石礪

弘治溫州府志字商老州學生宣和間方臘連陷州縣郡守貳將棄城走教授劉士英奮身議

守推礪為謀主學掾盧璿及邑義士丁仲修周承已婁淵潘守真等佐之治兵儲糧籍保伍分地為八隅委官統率又置戰艦五十餘分屯梅塢白沙與賊堵禦越五十六日王師至賊乃遁已而臘黨

俞道安自樂清進攻郡城礪復與士英創立戰具
郡將張理暨仲修承已淵守真等爭先迎敵力戰

俱死賊亦敗去事平賞功士英通
守太原礪辭祿不受以布衣終

薛開

兩浙名賢錄字彥明永嘉人徽言族子少喜讀
孫吳書宣和末愈寇猖獗開與兄閻及閻子

居實里人鮑若雨包汝諧議鳩材積穀陰合里中
少年族中子弟授以兵器分地自保時教授劉士
英與石礪畫城為八界率義兵以守之開自與閻
守城南之西隅而使居實總其綱寇至攻永秦門
肉薄而登居實發弩開擲槊從兄謹言奮槌斃其
先登者寇氣懾而退開復簡精勇數十人夜絕城
下斫其營寇驚走自相蹂躪死者不計其
數遂棄寨去事平口不言功鄉人高之

陳文

萬厯温州府志平陽人嘗從韓世忠有戰功補
水軍將領其後裔世聰字達叟初為新化尉介

於五溪蠻境盜起勢甚猖獗世聰與戰手擒渠魁盡降其衆以功陞侍衛司機宜文字

張頴

兩浙名賢錄字叔靖瑞安人個儻有氣節台寇薄城由桐嶺將趨瑞安頴聞之即治牛酒召邑

中少年勇敢者數千人共欲語之曰若屬墳墓妻子皆在此盍相與戮力共保之諸少年請受約束頴遂以軍法部署先令五百人持旗鼓夜伏陶山之左約曰聞鼓則起復令九百人持旗夜伏陶山而陣令曰賊至則三隊更進迭戰即佯棄旗鼓走陶山北聞鼓則反戈遠令者斬頴乃自將數百人攜雷鼓伏山頂明晨賊果至三隊迭進輒佯走賊爭利而前頴即援桴鼓之伏兵競起三隊反兵夾攻呼噪之聲震山谷賊大駭奔潰自相蹂躪死者不計其數生擒數百人鄉邑遂安紹興中太守章誼薦於朝以中興十策干執政語不合歸老於家年九十餘卒

陳謙 永嘉縣志字益之永嘉人登乾道第教授寧國除國子學錄後徙知常州開孟漬均溉民田扶

善抑惡民奉之如神明除湖北提舉改提刑辰州
猺掠辰沅岡邵四郡謙提軍擄其巢除八十餘峒
徙成都路提刑擢湖廣總領進寶謨閣侍制京
西河北宣諭副使坐事罷起知江州奉祠卒

曾光 萬歷溫州府志奉順人善騎射習孫武兵法隆
興武進士授車騎都尉從李顯忠出師嘗奮勇

身先與金守將富察圖們都統蕭琦戰於濠梁間
遂復靈璧虹二縣又復宿州登城與敵巷戰斬首
數千生擒八百人都督張浚奏聞錄
功第一陞殿前太尉乾道中致仕

王允 初溫州府志字元甫永嘉人登淳熙第知餘杭
通判德安府開禧間金人以重兵圍城甚亟

允初登陴固守相持百八十日敵解圍去擢知本
郡遷京西提刑湖北運使知鄂州召赴行在辛謚

忠敏

陳大紀

廣西通志字正之永嘉人嘉泰間知象州徒知橫知適妖賊侯廣李監六作亂鬱林桂州

並為賊區大紀奉檄即行節制飛虎摧鋒兩軍疏令威嚴親冒矢石與士卒同甘苦開城諭賊散其

黨羽擒其渠魁訖事僅五月召對以功轉兩官

元

陳麟

傳詳循吏

周嗣德

弘治温州府志字宗道平陽人父應奎以浙東帥府同知致仕嗣德廕授海口場司鈐至

正十四年盜起閩枯蔓延温境浙東帥恩寧普檄嗣德權平陽州事遂與弟誠德召募義勇團結民

兵勦補賊黨李師吳第五等境內以安累陞至江
浙行省叅知政事方明善據溫郡以兵襲平陽執
嗣德拘於鄞洪武
初起至應天府卒

王千戶

隆慶平陽縣志平陽人至正二十五年處州
賊詹老鷄等犯瑞平宣慰司喇岱征之寇潰

去已而復集遣王千戶拒之前倉明年賊復薄西
岡邑人大恐千戶嚴兵拒戰會高叅政兵亦至南
北夾攻擒老鷄
磔之餘黨悉平

明

王宇

萬厯平陽縣志宇惟寬溫州衛指揮同知正統
戊辰福建沙縣賊鄧茂七起麗水賊陳諫等應
之聚黨圍處州轉掠平陽進圍縣治官軍禦之輒
敗宇馳赴援屯軍軍橋自跨白馬先進連發三矢

斃賊首白鶴等三人賊驚遁縣獲保全大
破賊於枯以功起陞浙江都指揮同知

章律

獻徵錄字鳴鳳樂清人常熟籍景泰進士授刑
部主事推保定知府累遷雲南右叅政交趾遣

使欲從臨安入貢律以非道力拒之且疏言夷情
譎詐宜飭邊備改廣西左叅政遷右布政蒞浦種

賊竊發律受命監督率泗城兵由象武路扼陳村
口當賊要衝號令明肅士衆帖然且戰且徠遂擒

渠魁而悉散其脅從者營中屏竹禱而復生衆咸
以為不殺之兆轉貴州左布政撫綏邊氓制馭苗

獠咸得其利擢右副都御史巡撫雲南其地為律
舊治民夷素服威德事皆不令而行轉南右副都

御史

潘尹序

萬厯泰順縣志字會賢泰順人景泰庚午沙
寇鄧茂七等亂尚書孫原真招致幕府尹序

稔地利多所贊畫同瑞安縣丞親冒矢石一鼓而
羣盜殄滅餘孽奔官臺山寇平設縣治鎮之未幾
枯寇鄧懷冒等復聚剽掠原貞仍檄尹序同
陶文隆率衆殲之以功授湖廣崎山鎮巡檢

劉永

平陽縣志世襲平陽所百戶景泰元年山寇臨
城永率男瑀奮力奪橋殺退賊衆追至三十八

都雅洋劉營征勦哨至福寧界楊梅坑等處生擒
賊首梅仲悅朱永達等前後斬首千餘級深入賊
巢招撫人民數百餘家居民復業
山寇悉平陞本所世襲副千戶

李顯

分省人物考字崇綱樂清人正德進士令閩縣
拜御史出案貴州苗夷弗靖顯隨山築道直抵

夷穴徵兵四擊夷皆伏順於是大行賞罰凡冒功
夙弊剗削殆盡邊嶠肅清累官右副都御史巡撫
南贛會有安南之役運籌決策卒致又安陞南京
大理卿將戒行而贛之頑民糾衆竊發奉詔會兵

遠擊踰年平積

勞成疾卒於官

陶治臣

崇禎泰順縣志字君有為邑諸生嘉靖己未冬倭寇至石門隘殺戮慘甚臣捐資作餉號

召家丁鄉兵共百餘人入援每戰屢捷斬倭首三從賊首級二十八生擒從賊一兵巡道凌雲翼條其仗義奮勇屢立奇功議以一等功賞不受賜七品散官

李維樾

江寧府志字蔭昌瑞安人萬厯舉人崇禎甲戌授江浦令獻賊閔鳳陽維樾預增垣濬池

練鄉勇及薄城下殲其渠魁九條龍等寇遁去明年復攻陷六合望江浦却走撫按交薦擢戶科給事中督漕江北轉禮科疏薦毛士龍方震孺倪元璐范景文及請卓敬于謙贈郵旋歸自號素園老

人卒於家

張天麟

施邦曜張天麟表字季昭永嘉人天啟進士任禮曹出督廣東學政轉福建右轄備兵

平李之奇劉香諸劇賊製銅鐵大將軍分布閩浙沿海要害諸郡擢湖廣左轄寶慶道平臨藍獠徭

等寇岷藩治邱武岡籍富民築城騎尉多不法天麟抗疏糾參擢右副都御史巡撫雲南赴任至平

越府

處州府

宋

陶安時

括蒼彙紀字士庶縉雲人有武畧宣和中擢進義校尉涼州招討使忠憤激烈禦敵奮不

顧身威震漠庭有勲於時子甄仕婺州丞孫羔判條例司曾孫端禮以恩廕厯官正將使五嶺閩外

世著
勲勅

閻邱觀

隆慶遂昌縣志字民表宣和癸丑睦州寇變賊首洪戴據松邑攻遂昌勢張甚朝廷下詔

安之觀慨然請行以義屈賊成約而還授承信郎靖康初本路帥命部衛整處三州兵赴雄霸州及

還遇高宗渡江領兵勤王特旨轉三官凡應九任積官至武翼大夫

王達

兩浙名賢錄縉雲人有勇力善劍槩能步鬪宣和間方臘寇縣尉詹良臣力戰死達率壯士

數百人從問道至仙居會呂師囊為內應取道檄官軍夾攻之遂大破賊鄉邑乃全事定身退口不

言功郡守上其事
授承信郎不受

梁孚將

括蒼縉紀麗水人宣和間睦寇方臘犯郡境孚將與兄孚光弟字錫孚惠倡勇率衆糾合

懿德宣慈三鄉民戮力與戰賊將洪載逃去郡聞於朝會衛寇倪從慶嘯聚朝廷召乎將兄弟勦賊

賊平賞以爵乎將授迪功郎

詹度

括蒼景紀字世安縉雲人宣和中為燕山路安撫使奏郭藥師不可任後藥師叛果如度言改

帥中山戰守忠勤欽宗御書獎曰爾秉節不移嬰城固守能出奇策屢挫敵鋒昔張許守睢陽二顏

守朔郡不足道也除資政殿大學士封信國公

何志同

龍泉縣志字彥時元祐進士調錢塘尉遷合肥丞入為中都官校讎麟閣靖康二年金犯

穎昌守臣曾開懼甚宰相以志同代之至郡旬日金騎大集志同淬勵士衆竭力抗禦衆皆死戰凡

五十日會金駝將宗弼以數萬敵至勢不敵乃挺身出城招散亡以圖恢復時康王以大元帥開府

濟州志同率壯士三十騎赴之見王密陳宗社大計請於南都興王之地位號以率天下及王移駐南都復申前說從之以志同攝應天府

元

黃道俊

隆慶遂昌縣志字彦俊元至正間賊寇建陽震動郡邑道俊倡募襲之俘於官以功授本邑簿轉江山令建寧判官兄道傳弟道侏俱協濟有功道傳授本邑巡檢道侏授松陽縣副簿

明

季汶

宋瀟季汶墓誌字彥父龍泉人元至正中率壯士從舒穆魯宜孫討賊數有斬獲授義兵萬戶明兵破處州推安南翼總管會賀李二將叛殺總制孫炎處大擾汶部駐白巖出其不意攻之中書平

章政事邵某亦引兵至左右夾擊遂誅賀李復其
城陞處州翼同知元帥青田盜葉賢三燒浦城政
和兩縣掠婦女畜產而南汝告總制胡深伏兵平
山嶺邀擊斬之出私財贖軍中所掠耄倪遣還其
家民德汝肖像而祝者甚衆洪武
元年乞骸骨賜襲衣冠帶遣歸

周德問

兩浙名賢錄松陽人少通書史尤精武畧值
元季寇亂率子弟保障鄉邑及明師下枯蒼

辟德問守禦處州復合兵數萬東取甌城屢立奇
功後上論功頌賞懇辭不受人益高其節乞身家
居捐貲築白龍堰灌東鄉田數百
頃耕獲以饒因更名曰周公堰

樊觀生

括蒼彙紀字進德縉雲人善騎射多謀畧洪
武初為縉雲郡伯胡深參謀授處州翼鎮撫

從征福建歷建寧燕山平陽
成都四衛以武節將軍致仕

楊本

名山藏處州人建文初以太學生應募授錦衣衛鎮撫使從軍常自操鐵棒馳陣中所向披靡

李景隆妒其功不與上白溝之戰請為陣首景隆陽許之而陰尼之諸將不繼竟無功本乃疏劾耿炳文李景隆不足將請自將以行卒不用後為燕人所擒王使擊北平趙王高燧恐為內應遂殺本燕王歸北平太息曰吾直因之耳奈何不為我儲良將

時哲

崇禎處州府志遂昌人正統間礦賊突攻縣治哲散金募兵率弟誌邀擊於麻車嶺誌死之哲力戰賊卻郡司上其功授馬步司巡檢

丁庫

萬曆緡雲縣志正統間陳鑑胡寇枯郡守檄召庫征勦披身格鬪而還賊黨追躡將濟河庫撤石橋斷其渡隨拔貓竹數株示曰以此擊賊賊駭奔遁城賴以全撫案上其事欲加職庫曰為國出

身分也固辭賜寶幣帛書劾勞
二字旌之時人稱丁拔竹云

李琮

獻徵錄字義方景寧人籍錦衣衛天順進士成
仁時授南吏部主事歷郎中擢知平陽府垣曲

縣盜作聚一千餘人拒殺官兵勢甚熾衆議欲進
勦琮告於都御史葉琪曰民苦飢耳請撫之乃攜
從者五六人冒雪以往賊迎見曰是李府尊也遂
下山羅拜擁入寨中琮召其酋六十餘人諭以利
害皆感泣聽命事遂定擢湖廣布政司左叅議施
州夷殺其上官因作亂調兵五千擣之擒賊首三
十還所掠男婦二千人擢山西按察使歷福建左布政使卒於官

周南

獻徵錄字文化縉雲人成化進士除六合知縣
擢御史出按畿輔弘治初再按廣東劾總兵官

柳景厯江西右布政使擢右副都御史巡撫大同
正德四年督南贛軍務南贛巡撫之設自南始汀

州大帽山賊張時旺黃鏞劉隆李四仔等聚集攻
剗城邑延及江西廣東之境數年不靖南集諸道
兵擊之龍牙擒時旺義民林富斬鏞於鐵坑其他
諸若皆破副使楊璋僉事凌相等亦擊隆四仔禽
之先後斬獲五千人南乃移師會總督陳金共平
姚源諸賊賊境內遂寧九年進右都御史總督兩廣
軍務踰年乞歸
卒贈太子少保

葉廣

蘇徵錄字大用景寧人襲錦衣衛為總旗領東
廠緝事詳慎不泄成化八年以功擢任百戶蒞

本所事屢奉勅出勘重獄所在餽贖悉辭弗納實
授百戶遷副千戶弘治六年擢指揮僉事督捕中
外盜賊獲數千百人累遷都指揮僉事北山賊號
靠山王者勢甚猖獗官軍出捕比至則廣已遣官
屬擣其巢滅之矣遷指揮同知正德元年遷都指
揮使掌衛事戒諭官校必以天道國法為說隱然

有陰德焉壽至七十贈
右軍都督府都督同知

牛桓

括蒼彙紀字允武麗水人由處州衛指揮歷陞
都督同知沈靜嚴毅清勤禮士兩鎮貴州夷人

仰之如父母分守江左士民不忍舍所至屢立
戰功未嘗妄殺雖致位樞府被服如寒士云

鄭汝璧

井陘徵鉅縉雲人隆慶進士授刑部主事歷遷
井陘兵備副使改赤城參政赤城在上谷為

塞外地汝璧時衣袴褶與諸將馳走郊原校武技
講戰畧越陽和謁制府皆以馬不以輿晉河南左
叅政遷榆林中路按察使風勵諸將勤訓練戎務
改觀尋遷山東右布政使累擢至僉都巡撫青州
賊魏邦齊倡亂織之倭破朝鮮駐益山者幾二年
隔一水揚帆即至汝璧募標兵調浙兵以求伍法
整齊之士皆可用以憂歸起南太常少卿擢延綏
巡撫延綏故所官地悉諳其形勢要害兵為天下

雄諸將多舊材官指使如意敵妙兒忽明愛等入紅崖墩大帥杜松擊走之復窺懷遠遊擊沈應蛟戰却之皆汝壁發縱指示之功也遷兵部右侍郎總督宣大山西軍務講賊守撤行諸道修城堡練士卒治器械間召故大將府貴董一元等談用兵之畧旋以疾乞骸歸

陶起翔

續處州府志縉雲人萬厯二十四年倭首闕白寇朝鮮國王李昫乞援命兵部尚書邢玠

總督提兵征討起翔父良性為南昌府通判玠素重其才畧奏改銜永平府督餉禦倭起翔因同兄

弟學夔壽國侍父抵朝鮮隨以義勇應募隨征屢對敵奮擊親斬倭級數十奏凱班師起翔學夔俱

授處州衛世襲百戶壽國世襲總旗起翔後陞處州衛世襲指揮僉事署掌本衛印務統兵把總溫

區金鄉衛
珠炎營

續蒙勲

崇禎處州府志字世階龔處州衛指揮多膺力馬上運梁如飛握兵甌海禦寇九年水陸

二十餘戰斬級三百七十有奇生擒百餘母病歸服闋掌衛篆陞廣東白鶴門總築兩埤修營房八

戰擒倭寇百三十餘斬首二百級遷都閩坐營合勒瓊崖黎寇以破巢功最陞西山參將撫土司有

恩兼攝東山四年轉湖廣鎮草兼制九永荆湖等處土司入犯禦之斬級五百生擒三百九十餘舊

例解上請功蒙勲曰徒膏斧鐵耳何益令土司以人口生換遠近悅服解組歸二十餘年壽八十卒

樊獻科

福建通志縉雲人為御史按閩島夷犯瀨海諸郡汀盜阻山為潢池巡撫與諸將鍵城門

獻科慨然曰人臣奉璽書境外苟利社稷專之可也山海方螫毒在事者鍵城自守如元元何投袂

起視師諸將始決戰島夷就殲

張榜

崇禎處州府志字汝元處州衛人以祖父死難功廕襲千戶少業業通大義初襲職即委管團

練領兵往瑞安禦倭獲功陞松海北廳江西都司廣西潯梧叅將勦平狼寇又統兵往桂林三峽等巢征勦猺獍斬獲無算陞狼山副總兵督兵前赴朝鮮應援事平留防善後把守汎地後以撤兵凱旋所過秋毫無犯榜自束髮從戎以至功成雅有儒將風清操不染兵民立石以頌功德

李繼堯

塘縣志字汝唐縉雲人以諸生遊學武林值楊應龍之叛毅然投筆曰吾祖恭愍公巡

撫西粵羣酋叛服靡常猶討捕招徠今豈異時耶乃以儒生躬歷行間屢出奇計奮勇先登著有勞績累官廣東叅將謝職後家於西湖自號凌虛子

田正春

德安府志字體端縉雲人機警多智畧喜談兵由進士授德安推官時流寇方獩單車就

道至則設鄉社募官兵利器械賊以有備不克而
道遂攻蒲鄉去府稍遠猝被寇人震恐正春趨戰
却之城呼為田老子以忤柄紳降開封府
知事歷太康令轉刑曹晉東宛道卒於官

周士多

縉雲縣志字思皇崇禎貢生廷試召對稱旨
特賜庚辰進士授輝縣知縣時流寇嘯聚太

行山肆殺掠士多親統官鄉兵擒獲賊首仍行招
撫輝民以安督撫奏題委署新設衛輝兵備兼
北三府監軍道事卒於官



浙江通志卷一百七十四

欽定四庫全書

史部

浙江通志卷一百七十五至七

詳校官給事中臣戴璐

檢討臣德生覆勘

總校官編修臣倉聖脉

校對官中書臣吳甸華

謄錄監生臣梁鳴岐

欽定四庫全書

浙江通志卷一百七十五

人物五

儒林上

班史言六學所以明道故儒術尚焉乃宋分道學於儒林之外是歧而二之矣兩浙儒風金華最盛至明姚江後先相繼我

世宗憲皇帝臨雍禮成增從祀五人固浙產也紹洛闕之正

脉闡洙泗之微言當必有開風而興起者志儒林

杭州府

晉

范平

晉書本傳字子安吳郡錢塘人研覽墳索編該
百氏姚信賀邵之徒昏從受業吳時舉茂才累

遷臨海太守政有異能孫皓初謝病還家敦悅儒

學太康中頗微不起卒諡文貞賀循勒碑紀其德

行三子爽咸泉並以儒學至大官泉子蔚關內侯

家世好學有書七千餘卷遠近來讀者恒百餘人

為辨衣食蔚子

文才亦幼知名

南北朝

顧歡

南史本傳字景怡一字元平吳興鹽官人家貧父使田中驅雀歡作黃雀賦而歸雀食稻過半

父欲撻之見賦乃止鄉中有學舍歡壁後倚聽無遺亡者夕則燃松節讀書或燃糠自照篤志不倦

受業同郡顧顛之年二十餘更從豫章雷次宗諸元儒諸義母亡水漿不入口廬於墓次於剡天台

山開館聚徒受業常近百人齊高帝輔政徵為揚州主簿及踐阼乃稱山谷臣顧歡上表進政綱一

卷優詔美之東歸上賜塵尾素琴歡善於著論注王弼易二繫學者傳之

戚衮

南史本傳字公文鹽官人少聰慧受三禮於國子助教劉文紹年十九除祭酒從事吏就國子

博士宋懷芳質儀禮義懷芳北人自魏攜儀禮禮記疏秘惜不傳將歿謂家人曰戚生若赴便以儀

禮禮記義本付之若其不來隨屍而殯為儒者推許如此中庶子徐摘辭辨縱橫難以答抗諸儒懾

氣衮說朝聘義獨與往復領答如流簡文深加歎賞敬帝立為江州長史後入周撰禮記義四十卷

世行

全緩

陳書本傳字弘立錢唐人勿受易於博士褚仲都篤志研翫得其精微梁太清初轉國子助教

兼司義郎專講詩易太建中累遷南始興王府諮議參軍緩治周易時人咸推之興

顧越

南史本傳字允南鹽官人祖道望齊散騎侍郎父仲成梁護軍司馬家傳儒學並專門教授越

勵精學業不合晝夜弱冠游學都下通儒碩學必造門質疑由是聲譽日重尤長論難武帝嘗於重雲殿自講老子越抗首而請音响若鍾容止可觀帝贊美之陳天嘉中遷給事中黃門侍郎時朝廷草創疑議多所取決咸見施用太建元年卒於家年七十七著喪服毛詩老子孝經論語等義疏四

十餘卷

隋

顧彪

隋書本傳餘杭顧彪字仲文明尚書春秋煬

魯世達

北史本傳餘杭人煬帝時為國子助教撰毛詩章句義疏四十二卷行於世

唐

褚無量

唐書本傳字弘度杭州鹽官人刻意墳典尤精禮司馬史記擢明經第累除國子博士遷

司業兼修文館學士中宗將南郊皇后為亞獻無量固爭以為周禮后不得與元宗即位遷左散騎常侍燕國子祭酒封舒國公母喪廬墓鹿犯所植松柏無量疏訴羣鹿馴擾不復振觸喪除以耆老

隨杖設腰舉許乘入殿中上言古帝王賢臣在祀
典者並詔致祭帝納其言內府舊書甲乙叢倒請
繕錄補第以廣秘籍不數年四庫完治太子諸王
未就學無量以孝經論語五通獻帝乃選郊常亨
等為侍讀太子齒肖於學詔無量升坐講勸百官
觀禮厚賚賜卒年七十五詔曰無量朕師今永逝
宜用優典贈禮部尚書諡曰文沒後有於書殿得
講史記至言十二篇上之帝歎息以絹五百匹賜

其家

宋

盧楨

萬曆杭州府志字叔微杭州人自幼穎悟及長
曉五經大義酷嗜周易孟子端拱初登進士第

調補東鹿主簿卒嘗著五帝皇
極志孺子問冀善書數十篇

陸滋

兩浙名賢錄字元象世家於杭通毛鄭二詩易春秋試於鄉一舉而售母病不行後三年復在

選察母有難色亦不忍行陳堯佐使兩浙強之行謝不往博極羣書或引以答客問必章解句析不

差一字問者輒服謂終年讀書不如與陸先生一

日語皇祐四年詔錄先朝遺士郡以滋應詔得杭

州文學嘉祐六年卒滋好古篤信里俗龔吳越偽

禮多僭忒滋為援典制家矯而戶正之敝俗頓革

所著詩賦文

論合二十卷

吳師禮

吳師仁

宋史本傳師禮字安仲錢塘人太學上舍賜第知天長縣召太學博

士秘書省正字徽宗初擢右司諫改右司員外郎

工翰墨帝嘗訪以字學對曰陛下御極之初當志

其大者臣不敢以末技對聞者獎其得體以直秘

閣知宿州卒師禮遊太學時兄師仁為正守春秋

學他學官有惡之者條其疑問諸生師禮悉以兄說對學官鳴鼓坐堂上衆質之師禮引據三傳意氣自如江公望時在旁心竊喜後遂定交師仁字坦求篤學厲志不事科舉喪親廬墓日倩旁寺僧造飯一鉢以充飢不復蓄僮僕郡守陳襄鄧潤甫皆以遺逸薦於朝元祐初召為太學正遷博士後為潁川吳王宮教授卒

崔貢

兩浙名賢錄字廷碩仁和人端重有識內行淳備大觀中詔舉八行郡邑以貢應授密州文學

卒鄉人尊曰八行先生

張九成

傳詳名臣

施德操

楊璿

兩浙名賢錄德操字彥執鹽官人學有本末主孟子而拒楊墨曰絕人倫

漫等級棄禮樂仁義不用飾荒幻報應誑愚取資
尤為世姦因著論以曉未悟學者稱持正先生璿
字子平鹽官人安貧樂道不妄取與尤嚴謹獨之
操居暗室猶在康衢學者稱謹獨先生與同里施
德操皆力行好修里人嚮慕邑令魏
伯恂闕祠合張九成與二人祀之

關注

夢梁錄字子東咸淳臨安志錢塘人登紹興五
年進士第嘗教授湖州與胡瑗之孫滌哀瑗遺
書得易解中庸義藏之學宮意在於美風俗新人
才官至太學博士卒自號香巖居士有關博士集

卷二十

趙善湘

宋史本傳字清臣濮安懿王五世孫開明州
多名儒徙居馬慶元二年舉進士以平寇功
十七年封祥符縣男紹定三年進煥章直學士進
封伯以李全犯淮東乃命專討進封侯加食邑及

戮全進兵部尚書五年進資政殿學士九疏乞歸
皆不許封天水郡公淳祐二年帝手詔求所解春
秋進觀文殿學士致仕卒贈少師著有周易約說
八卷周易或問四卷周易續問八卷周易指要四
卷學易補過六卷洪範統論一卷中庸約說一卷
大學解十卷論語大意十卷孟子解十四卷老子

解十卷春秋三傳通議三十卷詩詞雜著
三十五卷萬歷杭州府志善湘居餘杭

葉時

咸淳臨安志淳熙十一年甲科嘉靖浙江通志
仁和人操履端凝累官至龍圖閣學士卒諡文

康著有禮經會元竹野集兩浙名賢錄字秀發博
學善屬文尤邃於周禮為學者所宗晚居嘉興

章樵

萬歷杭州府志字升道昌化人嘉定元年進士
歷海州高郵山陽教官習知海徽事再上時宰

書力陳李全必叛全謀亂郡縣官多被禍樵率諸
生盛服坐堂上講誦賊至斂刃而退擢宰吳判常

州皆以薦著御史洪咨夔舉監登聞鼓院以疾乞歸授知處州樵學宗伊洛著有集曾子十八篇章氏家訓七卷補註董仲舒春秋繁露十八卷古文苑二十卷

趙汝談

傳詳名臣

趙景緯

傳詳名臣

李元綱

兩浙名賢錄字國紀錢塘人號百練真隱乾道間寄居吳興之新市力學好古雖困窮操

履益堅怡然自得不為外物所搖奪撰聖賢事業圖集說三先生西銘解厚德錄言行編諸書

元

董鎮

海鹽文獻志字仲貞通經術有用世志值元亂隱居海寧之泉山杭州府志其先河南人曾祖

官臨安遂家澉浦父仲溫尚宋室主為駙馬鎮聞
金華許謙為考亭之學裏糴往從謙深器之謙卒
鎮禁室仙華山三年而後歸仙華山謙講學處也
歸作嘉會堂於靈泉右畫考亭像左書儒行篇從
遊日衆洪武丁未卒劉
基題其墓曰董處侯

明

夏時正

傳詳名臣

邵銳

嘉靖浙江通志字士抑仁和人正德三年舉禮
部第一改庶吉士時逆瑾擅政焦芳劉宇深相

結納其子皆為庶吉士傳旨俱授編修銳恥與為
列方具疏辭伯兄邵欽以危言沮之後改寧國推
官陞南祠祭員外郎以疾告歸起江西提學僉事
陞福建提學副使押浮崇實士習丕變進太僕卿

引疾歸平生恥於近名不立門戶而聞然日章咸服其為真道學沒之日苟無數金田僅百畝贈副都御史諡康億理學見開錄嘗為文自銘曰我生不求文我死不求誌刻石與列祖徒為泉下媿平生為己之學

槩見於此

孫景時

兩浙名賢錄字成叔杭之右衛人性耿介於世寡諧與越人汪應軫仁和邵銳江暉錢塘

吳鼎為友師事陽明甘泉二先生正德丙子舉於鄉筮仕長洲教諭遷攸縣令却餽贖謝常例雪貧民唐如景吳伯先枉狀逮豪右易滔發其奸臧論如法解官歸菟軒故典証以長老舊聞質諸鄉評

作武林
文獻錄

王潼

分省人物考字本澄錢塘人幼讀朱子語錄遂絕意舉業聞陽明先生講學稽山負笈往從先

生嘉其篤志命輔其子仲肅為學配任氏卒不再
娶性好遊工繪畫善諷詠勤於著述於程張諸書

皆有補註

沈瑞臨

舊浙江通志字夢錫萬歷丁丑進士授行人
司正奉命冊封餽遺悉絕進南工部郎中陞

四川按察司僉事備兵川東時楊應龍煽動瑞未
練兵訓武以計拊循之終瑞臨任應龍不敢叛未

幾以母老終養杜門斂跡精研瀟洛之書以承絕
學龍山天真書院故王守仁講學處也藩臬以名

德推瑞臨請主書院瑞臨謝不往曰學以踐修篤
實為本飾浮名事空談非余所能也巡按唐一鵬

捐金為葺其廬督學伍袁萃以學田二十畝備餽
粥俱辭不受晚年識詣超卓著易義十卷經解二

十卷探析精微學者爭傳習之稱曰約菴先生卒
年七十有二孫從雲有學行前學使伍所昇膳田

無所歸復與從雲曰吾不忍易
先人志也移旌德祠為祀田

邵經邦

傳詳名臣

陸振奇

舊浙江通志字庸成錢塘人生有至性敦孝友工文章與里中鄭徵士之惠馮祭酒夢禎

葛太常寅亮虞司勳淳熙為莫逆交殫心經學弟子環而卒業論難義易辨析不窮歷聘四方於新安說經尤久學者稱庸成先生萬曆丙午舉於鄉著有易芥十卷學庸心性解行世

國朝

柴紹炳

應撫謙柴紹炳傳字虎臣仁和人生而端重甫入塾聞正心誠意之旨欣然若有會私集

羣兒端坐業師葛此瞻見而奇之稍長博極羣書為諸生七試冠軍獨居西湖之南屏山鍵戶小樓

研窮聖賢體用之學於象緯輿地兵農禮樂以及
營田水利靡不窮原究委勒有成書名考古經濟
類編又博綜典禮舉經權常變之用本之三禮而
參以律令昏輯而論之所著發先儒所未發性至
孝痛父卒於官不及舍飯每一念及輒過墓林相
心泣血與兄景明居終身不析箸教子弟悉本鄉
行自言有得於曾氏省身之學題其居為省軒鄉
里稱省軒先生舊浙江通志紹炳憫聲韻清詁為
古韻通
數十卷

應撫謙

鄉賢留祀冊字嗣寅仁和人為諸生殫心理
學窮極底蘊家甚貧環堵蕭然而弟子日益

進立教惟以躬行實踐為主其學以不自欺為持
身涉世之本於六經多所發明尤精於易嘗病世
儒言易失之穿鑿歿後巡撫河陽趙士麟刻
其性理儀封張伯行刻其潛齋文集行於世

沈的

鄉賢留祀冊後名蘭先字向華仁和人父之龍
學行著聞蘭先讀書好古究濂洛之學考性命

之理日有課月有程每月則綜其所得與同人質
疑辨義一以朱子為宗家甚貧環堵蕭然而澹然

自造所著有宋五子要言四先
生輯畧四書宗法七經評論

嘉興府

唐

徐岱

舊唐書本傳字處仁嘉興人家世農業岱好學
六籍諸子悉所探究大厯中劉晏表薦之授校

書郎浙西觀察使李栖筠厚遇之勅故所居為復
禮鄉建中年薦為太常博士掌禮儀改膳部員外

郎貞元初遷水部郎中充皇太子侍讀擢拜給事
中並依舊侍讀承兩宮恩顧時無與比而謹慎過

甚未嘗淺禁中詔婚嫁甥姪之
孤遺者卒年五十贈禮部尚書

宋

衛湜

萬歷嘉興府志字正叔涇弟好古博學集禮記
諸家傳註為集說凡一百六十卷上之朝官至

寶謨閣知袁州學
者稱襟齋先生

輔廣

正德崇德志字漢卿其先慶源人父達流寓崇
德生廣少讀周程諸書默契諸心從東萊呂祖

謙游益大奮發東萊沒執弟子禮於朱文公門深
愛重之既別書問講學不絕文及翁傳貽書院記

文公門人徧天下中更偽禁歲寒松柏疾風勁草
磨涅而不磷縵者絕無而僅有於時潛卷輔公獨

立不懼遐世無悶益將以傳之先儒貽之後學為
已任易書詩春秋禮記有註釋大學論語孟子中

庸有問答通鑑有說師訓有編
日新有錄雜著有藁藁藏於家

張葆光

弘治嘉興府志崇德人讀易有悟入處超然
自得往見黃冕仲黃曰如師卦六爻初長子

帥師二弟子與尸三在師中吉極分曉葆光曰作
如此說宜其易也乃削簡盈箱布算縱橫所謂八
陣圖五花陣無一不出六爻之數隱
居樂道問問鄉里皆以葆光稱之

元

衛富益

嘉靖浙江通志崇德人識見高遠不為章句
之學問宋亡於崖山設壇祭文天祥陸秀夫

張世傑詞既哀慘嘗負笈往從金履祥學深探易
旨隱居教授創白社書院會布衣友賦詩講道緡
紳不得就列至大間有司欲薦聞不就隱湖之金
蓋山絕口不言世務不履城市遭疾楚所著書集

曰吾志晦迹馬周名世卒年九十六門人私謚曰正節先生舊浙江通志本華亭人家於石門嘉興府志受業於許白雲白雲重其器識

陸

正

海鹽文獻志字行正居海鹽武原鄉唐相敬輿之後讀書一覽終身不忘旁通律呂象數之學

始名唐輔宋亡更名而隱世祖平一字內遣信臣行天下羅訪遺士侍御史程鉅夫間其名欲見之稱疾不見薦之不起隱居教授生徒常數百人其教法類胡翼之而尤以慎獨存心為要凡及門學徒與家之子弟僮僕見人皆恭默下視人望而知為陸先生家出也所著有正學編樂律考七經補註論靖獻先生

鮑恂

分省人物考字仲孚本崇德人徙嘉興西溪領鄉薦洪武初禮部舉恂明經老儒達於治體可

簡顧問名至京師時年八十餘上命為文華殿大學士輔導東宮恂固辭諭曰以卿年高故授此職不以隨卿致仕恂復固辭翼日放歸恂受易臨川吳澄得其所傳著易傳大義及西溪漫稿行世學

者稱西溪先生

聞人樞

弘治嘉興府志字德機嘗從鮑仲孚受業又登江西夏日孜之門遂通易學至正癸卯中

進士授承事郎易州同知未及上官以疾終

明

李益璿

兩浙名賢錄海鹽人永樂中以經明行修被薦厯嘉興汝寧訓導教養有法士風蔚起所

著有南莊集弟仲璣季衡皆有文行聲譽重一時

支立

萬曆嘉善縣志字可與世居郡城出贅嘉善潘氏嘗以春秋魁鄉薦官翰林院孔日時人號為

支五經兩浙名賢錄立事母以孝聞與羅倫相友善務敦本為己之學詩文皆有關世教孫大綸甲

戌進士以經學世其家

任泰

儒林錄字亨伯嘉善人苦學力行嘗大書敬字於壁中夜起坐對期不愧屋漏成化乙未進士

授上饒令時婁諒桐名儒屈禮事之為政知大體增置學舍親為講授立法清田以杜爭訟作浮梁

增社倉有古循吏風滿六載召入卒於京

鄭延

兩浙名賢錄字世昌海鹽人其先有元璠元琰者俱以學行顯延性孝友博學能詩文以尚書

教授門人顯者三十餘人皆尊之曰東谷先生天順壬午貢太學成化乙未授廣東市舶司副提舉

諸番無敢以方物及門者白沙陳獻章贈詩曰溪
魚海舶各歸去明月自照芙蓉峯黃門張寧稱曰
力學能文通知典故吾邑未之
或先歷任二考以疾卒於任

朱祚

萬歷嘉興府志海鹽人舉成化丙午鄉試一試
禮部弗售以母老不再行晚為龍溪靖安令所
著有拙齋漫稿雲谷集若干卷舉動必書以自考
其自警箴云不敢竊道學之名以立異不敢舍道

學之實以苟同弘
治中嘗修縣志

陳言

海鹽文獻志字獻可生而穎異齒龢稱神童尤
深於尚書為博士弟子員博綜經傳探索子史
作五經疑義若干卷出入傳註酌以己裁多儒先
所未發作策百餘篇馳驟縱橫殆逼蘇氏而理趣
一歸伊洛粹如也兩浙名賢錄言從吳南溪先生
遊每歎曰此子海上鳳麟也丁酉領順天鄉薦不

第卒於卽子所學嘉靖丙辰進士累官戶科給事中

仇

兩浙名賢錄海鹽人少穎異過目成誦為文根極理要十舉不第勉就硤江教一遵胡安定教

授蘇湖遺軌士多成就其子俊卿博學好古任南成均修海鹽志當嘉靖時海塘圯遣子原叟疏奏

修築

沈

兩浙名賢錄字一之嘉善人師事張東溟福友魏莊渠校邵端峯銳德義漸涵益自淬勵晝夜

研討諸經盡發諸儒未發之秘時島夷寇暴三吳蹂躪宗祐祭器避之郡城卒槩生平口不非俗行不染俗著布菜翁傳以見志有鄉約釋義筆思記時務義詩文集藏於家

王

兩浙名賢錄字汝珍嘉興人篤學力行鄉里稱為宿儒正德丙子舉於鄉初令星子再令崇陽

聲績茂著以艱歸服闋不樂簿書改順天府學教
授北地鮮學加意造就弟子嚴滋初居塞外徒置
學傍教之後成進士任本府太守所以報師之誠
極篤而儒益自重未嘗以尺一干之轉興山令致
仕歸優游林下
者三十餘年

董澐

明儒學案字復宗海鹽人以能詩聞年六十八
遊會稽間陽明講學山中往聽連日夜喟然歎

曰我非至夫子之門則虛此生矣求北面陽明不
可謂豈有弟子年過師者澐再三請而委贄焉其
友招之曰翁老矣何自苦澐笑曰吾從吾之好耳
遂自號從吾年七十七而卒子穀字碩甫嘉靖辛
丑進士歷知安義漢陽二縣游陽明
之門因筆其所聞者為碧里疑存

沈謚

分省人物考字靖夫號石山秀水人嘉靖乙丑
進士歷官湖廣叅議初讀陽明傳習錄有悟即

顧往師事之因陽明征思田未遂及聞訃追悼不已建書院於文湖湖在秀水縣北四十里春秋率諸生虔祀陽明講學其中嘉興府志謚為理學翹楚稱石湖先生子啓原山東副憲

王愛

分省人物考字體仁號一山秀水人嘉靖乙未進士乞就教得順天府學與諸生日夕講究復

以身示之鵠踐履篤實遷國子監丞擢刑部主事有二儒士藉袁相庇譁飲禁中逮治執法不少貸袁怒曰王郎嶽嶽欲折相公角耶尋歸絕意仕進性朗豁絕無城府遇之如坐春風中然動有規矩尺寸不敢踰越角巾散步疎髯廣額望之如神仙中人病劇神色不亂咏黃鶴詩而逝儒林錄愛嘗曰學以自檢檢人則隘學以容人自容則忘人以為名言

錢同文

舊嘉興府志字大行秀水人弱冠舉於鄉講學王文成之門洞悉原本舉進士宰祁門尋

守萊州皆以水蘂自持後
移疾歸箬瓢屢空晏如也

許聞至

兩浙名賢錄字長聖海鹽人七歲知易經大
義十三補弟子員弱冠從父九祀山人闡發

陽明良知之旨豁然悟入因殫精性命之學事父
母備極色養經紀喪葬露宿者數月弟求析著悉
以腴業讓弟終身代其役處宗黨執謙守下有犯
而不校之風有大僚以世誼貽書詔之不一見曰
吾愧夫青衿而曳裾者著有易經微言若干卷沒
後數十年學使者采公論而尸祝之明以諸生入
祀自聞
至始

鍾繼元

萬厯嘉興府志字仁卿桐鄉人嘉靖壬戌進
士任安福令擢比部僉事嶺南清屯伍整饬

政以最移楚積勞邁疾卒著有易窾易準易考易
占易原子史雜著道德要覽羣書選要京房康節

啟蒙畫前錄 渾象析觀等書兩浙名賢錄繼元窮經博古尤精於易理數之學妙悟得於畫前

陸光宅

舊嘉興府志字與中平湖人少慕陽明之學闢天心精舍集名士授餐講學領隆慶鄉薦

性好施臨終書無極太極四字王龍溪曰與中之學以仁為本故至性不亂云

李奇玉

儒林錄字元美嘉善人幼擅文名偕兄奇珍有二李之稱萬厯癸卯舉於鄉研思易學時

高忠憲講道東林奇玉北面就正焉忠憲以顯仁藏用之旨勗之曰發吾蘊者子也天啟壬戌魁南

宮就武學教授歷遷兵工兩曹皆以清慎稱再守汝寧值中原寇熾至則劫法城守寇隨遁去數月

引疾歸發篋中所箋註研晰疑義不停筆者十年雪園易義成雜撰備錯綜舉圖書會理象融與師

說相發明甲申聞難悲憤得疾卒學者稱荆陽先生

吳志遠

舊嘉興府志字蓮菴嘉善人萬厯中與高攀龍歸子慕相友善舉孝廉三十年未嘗謁官

府就教烏程改禮部司務時尚書孫慎行爭紅丸事託志遠詮次章奏屬意用之志遠力請就開轉南兵部郎璫禍發歎曰吾不能如皇甫規自附黨人尚忍懷綬乎即告歸武塘理學自龍溪後復振

於志遠

陳龍正

構李往哲續編號幾亭嘉善人從吳志遠遊師事梁溪高攀龍得復約身心之學甲戌成

進士授中書舍人熒惑守心龍正麗者古今事應連進四疏上感動特諭厥督慎刑彗星見復上疏帝甚嘉納壬午因罪已之詔三上疏言時政而西北懇荒之議起遂乞歸纂輯遺書為忠焉之計偶感微疾遂絕飲食怡然而逝龍正天性誠篤通達治體所奏論皆大本大計非得於學道者深未易

及此著有學言正書文錄因述六十餘卷
輯程子詳本朱子經說明儒統等書行世

卞洪載

樞李詩繫傳字子靜嘉善人少從高攀龍得
性命之旨一時大儒如鄒元標葉向高皆重

之講學天心書院剖晰微義紳士梓其說為閩洛
一燈攀龍北上招主東林講席及被難守而弗去

崇禎間再徵不就
就有綠雪軒集

施靜

嘉興府志字易修號約菴秀水人庠生少有遠
志不事進取讀易至家人卦悟聖道不離倫常

日用啟迪學者兼重知行不拘一轍明越蘇常間
有志斯道者聞聲踵至長安曹欣穆容城孫夏峯
俱數千里外馳書叩答晚年學益醇粹
著有姚江淵源及語錄講義若干卷

國朝

陸隴其

嘉興府志原名龍其字稼書平湖人康熙庚戌進士授江南嘉定令革除火耗立甘限法

勸諭法上下便之民有訴子不孝輒自責謂德薄不足化汝父子俱感泣有兄弟因稱貸致訟各責之教以友恭富家欲重懲貧民晚以富人愛體面貧人亦愛肌膚訟者感悟舊俗盡化旋以盜案罹議百姓攀號環泣總憲魏象樞再疏論薦復職薦博學鴻儒丁父憂歸補直隸靈壽令邑最小解石仄運車獨多力爭得減條陳大事皆籌畫至當他若墾荒審丁務紓民力於賑濟村落咸徧七年民風士習不變廷臣交薦行取猶念邑當飢饉後請緩征減墊解除供應軫卹羣黎不異在官補御史歸卒平生講學不為科舉嘗云窮理不居敬則玩物喪志居敬不窮理則師心自用點勘宋元諸儒語錄苟與朱子之論似是而非者必闕之所著困勉錄例分學問思辨行五項皆折衷考亭凡一

言一動充養自然罔非躬行心得卒之日遠近悲悼行世者有三魚堂集四書大全四書講義松陽講易讀朱隨筆讀禮致疑禮經會元注國策去毒讀書分年日程靈壽志一隅集餘尚未梓

雍正二年九月

皇上臨雍禮成奉

上諭議增從祀兩廡先賢先儒禮部覆准

本朝應增入從祀

一人陸隴其

湖州府

三國吳

姚信三國志注字元直一字德祐有周易注十卷至今猶傳其說西吳里語武康人精於天文易數

之學三國吳時太常卿造
昕天論九世孫察仕於梁

晉

吳商

西吳里語字彥聲故鄣人通五經及百代之書
太康初徵為東宮校書郎四方從學者不可勝

數歷官侍中隋書經籍志益陽令吳商集五卷
吳興藝文補商有禮祀六宗與異姓為後二議

沈恒

湖錄烏程沈恒居荻塘家貧
好學樵荻讀書以儒術知名

丘昂

西吳里語字公表吳興人家貧好學織卷以自
給專心儒術與弟給事中夷太守矩並以學術

著名當時
謂之三丘

南北朝

邵元之

吳興掌故吳興東遷人能遷
五經文句顧歡從之受業

沈麟士

傳詳
隱逸

沈峻

南史本傳字士嵩武康人家世農夫至峻好學
與舅太史叔明師事宗人沈麟士晝夜自課睡

則以杖自擊遂博通五經尤長三禮為國子助教
吏部郎陸倕與僕射徐勉書薦峻曰周官一書羣
經原本此學不傳多厯年世助教沈峻特精此書
宜即用此人令其專此一學使聖人正典廢而更
興從之奏峻兼五經博士於館教授聽者常數百
人中書舍人賀琛奉勅撰梁官乃放峻補西省學
士助撰錄書成兼中書通事舍人出為武康令卒
子文阿字國衡梁簡文引為東宮學士陳文帝即
位遷通直散騎常侍天嘉中卒贈廷尉卿所撰儀
禮八十餘條春秋禮記考經論語義記七十餘卷

經典大義十八
卷並行於時

太史叔明

南史沈峻傳叔明烏程人太史慈後也少善莊老蕪通孝經論語禮記尤精三元每

講說聽者常五百餘人為國子助教邵陵王綸好其學及出為江州搗叔明之鎮王遷郢州又隨府

所至輒講授江州人士皆傳其學

沈洙

通志儒林傳字弘道武康人少方雅好學不妄交遊通三禮春秋左氏傳精識強記五經章句

諸子史書問無不答仕梁為祠部郎吳郡朱异會稽賀琛於士林館講制旨義常使洙為都講侯景之亂洙竄於臨安時文帝在馬親就習業武帝入輔除國子博士與沈文阿同掌儀禮武帝受禪加入

員外散騎常侍

沈不害

陳書本傳字孝和武康人幼孤好學陳天嘉初除衡陽王記室參軍兼嘉德殿學士時國

學未立不害上書曰立人建國莫尚於尊儒成俗化民必崇於教學詔答曰卿弘惜大體殷勤名教付外詳議依事施行又表改定樂章詔使製三朝樂歌八首合二十八曲行之樂府遷國子博士勅治五禮掌策文謚議太建中轉光祿卿通直散騎常侍兼尚書左丞卒不害雖博綜墳典而家無卷軸每製文操筆立成曾無尋檢著五禮儀一百卷文集四十卷子志道少知名安東新蔡王記室參軍禎明三年入隋

沈德威

西吳里語字懷遠吳興人少有操行太清末遁於天目山築室以居雖處亂離篤學無倦

天嘉元年徵為國子助教每自學還私室講授道俗受業數百人遷太常丞兼五禮學士後為尚書

祠部郎與東陽鄭灼晉陵張崖吳都陸詞會稽
賀德基俱以禮樂自命入隋官秦王府主簿

沈重

通志儒林傳字子厚武康人弱歲而孤居喪盡
禮及長專心儒學從師不遠千里博覽羣書尤

明詩及左氏春秋任梁眾遷都官尚書入北周保
定末詔令討論五經並校定鍾律天和中於紫極
殿講三教義朝士儒生聽者二千餘人凡所解釋
咸為諸儒推仗建德末請還梁主蕭歸拜重散騎
常侍太常卿開皇三年卒年八十四隋文帝遣合
人蕭子寶祭以少牢贈開府儀同三司許州刺史
重學業該博為當世儒宗著周禮義三十一卷儀
禮義三十五卷禮記義三十卷毛詩義二十八卷
喪服經義五卷周禮音一卷儀禮
音一卷禮記音二卷毛詩音二卷

唐

沈伯儀

唐書本傳吳興人武后時為太子右諭德初太常卿韋萬石議明堂大享事高宗詔尚書

省集諸儒議未能定於是參用貞觀顯慶二禮伯儀曰貞觀永徽禮實專配山顯慶後始兼尊焉今

請以高祖配圜丘方澤太宗配南北郊高宗配五天帝鳳閣舍人元萬頃范履冰等議今禮昊天上帝高宗厯配焉自是郊丘三帝並配云厯國子祭酒修文館學士卒

五代

姚彥譚

嘉靖安吉州志當錢氏時學校不興彥譚獨以春秋詩禮教授鄉閭學者歸之竟不仕

宋

莫君陳

嘉靖浙江通志字和中歸安人從胡瑗遊舉嘉祐二年進士御家嚴於公府教子弟以義

方長子砥砥子伯虛守常州有瑞梅甘露秀麥嘉禾之祥伯虛子濛累官工部尚書

姚舜仁

西吳里語歸安人字令由元豐八年登第為太學正召對稱旨除館職遷庫部員外郎製

進明堂定制圖并序上賜對褒獎又謨明堂訓解一卷擬上之而疾作後凡舜哲表進以成其志

芮羣

西吳里語字國器烏程人紹興戊辰進士為國子司業闡明理學朱晦菴器重之弟焯姪宜言

嘉言相繼登進士齊東野語王村芮祭酒除仁和尉有長河堰龍王廟每祭則有小龍出或止香爐或飲於杯往來者謹事之芮方修堰一日焚香設奠蛇出壚上芮端笏數之曰有功於民乃得祀龍廟食於此未嘗有功且數壞堰勞民無功有罪法當殺舉笏擊碎是夕風雨拔木民人大恐而芮自

若湖錄畢為廣東提刑節操彌勵凡舊例供饋積數千緡潛輸公帑歸過曲江犒郡縣吏之乏月給者入為秘書省正字擢監察御史出入中外為孝宗深知乾道五年陞國子祭酒

朱震

嘉靖安吉州志字震之幼穎異從父官青陽朱子見而奇之比長受學潔齋袁先生之門義理

該洽論持敬曰只須言存誠論顏子未達一間曰體以心其間自見晚歲笑傲林泉燈夕里人招之弗往謝以詩曰賴有半窗知我月已多一點讀書燈聞者傳誦之有益泉集二十卷子應元右文殿

修撰

元

牟應龍

元史本傳字伯成其先蜀人後徙居吳興祖子才仕宋贈光祿大夫諡清忠父瓌為大理

少卿應龍當以世賞補京官盡讓諸弟而擢咸淳進士第時賈似道當國應龍對策具言國勢危急之狀考官不敢實上第調光州定城尉應龍曰昔吾祖對策以直言忤史彌遠得洪雅尉今固無愧也宋亡起教授溧陽州晚以上元縣主簿致仕初宋亡時大理卿已退不任事一門父子自為師友討論經學於諸經皆有成說惟五經音攷盛行於世應龍為文長於叙事人擬之眉山蘇氏學者稱隆山先生泰定元年卒年七十八

宇文公諒

元史本傳字子貞其先成都人父挺祖徙吳興公諒通經史百家言至順四年登進

士第同知婺源州事改餘姚州攝會稽縣申明冤滯所活者衆檄察實松江海塗田公諒以潮汐不常後必貽患請一聚免科省臣從之未幾除國子助教日與諸生辨析諸經六館之士資其陶甄者

往往出為名臣調應奉翰林文字同知制誥兼國
史院編修官除江浙儒學提舉改僉嶺南廉訪司
以疾請老公諒平居雖暗室必正衣冠端坐嘗挾
手記一冊晝有所為暮則書之著有折桂集觀光
集辟水集以齋詩稿玉堂漫稿越中行稿凡若干
卷門人私諡曰純節先生輟耕錄公諒年少時嘗
館巨室中夜有女來奔堅
不納明旦托他故別去

明

嚴鳳

萬歷湖州府志字季祥歸安人績學砥行有希
聖之志弘治辛酉舉於鄉七上公車不第授分

宜知縣累官鎮遠知府所至多惠政生平嚴於義
利家無一椽之築士大夫翕然師仰稱為溪亭先
生湖錄其學務闡明性理唐一卷嘗問其生平得
力處曰身體力行大約不離敬恕二字知分宜嘗

入茅舍見老嫗問邑政得失嫗曰耕我田織我葛雞不啼犬不吠他非所知也

陸澄

後慎慎自以為不足其記文成語首云持志如

心痛一心在痛上豈有功夫說問話管閒事已而欲屏絕文字專欲學文成曰使我果無功利之心

雖搬柴運水何往而非實學何事而非天理况子史詩文之類乎顧一洗俗見還復初志其後以多

病從事養生文成曰養德養身只是一事果能戒謹恐懼而專制志於學則仙家所謂神住氣住亦

在其中矣文成於澄最屬意嘗云徐曰仁沒吾道益孤致望元靜者不淺澄執父喪哀毀失明明明儒

學案澄又字清伯正德丁丑進士授刑部主事有議文成之學者條為六辨欲上奏文成聞而止之

邵南

舊烏程縣志字文化嘉靖乙未進士初未第築室月簾山中獨觀靜養若將終身安吉陳良謨

以君臣大義論責遂屈服劉南坦諸人曰康山子庶幾恭而安者康山其號也既第授行人歷工部

郎陞山東副使專務德化境內彬彬向風有事武場遺疾卒士論南理學儒臣鞠躬盡瘁蓋實錄也

唐樞

儒林錄字惟中號一菴歸安人少即矢志求道從湛甘泉遊嘉靖丙戌會魁授刑部主事獄

者三必求情罪久當以疏論李福達忤旨罷歸講學著書垂四十載以討真心三字為的從遊者甚

衆監司及守令式廬請益為創一菴書院於湖城中許孚遠王愛錢鎮皆出其門飭躬實踐一介不

苟取予尤留心經濟身歷各省險遠躡屨茹草以遊一生淡泊匡牀竹籠外無長物卒年七十三著

有木鍾臺集三百卷續集一百卷自禮元剩語至嘉禾問錄共三十二種行於世

錢鎮

舊烏程縣志字守中嘉靖乙未進士世居烏程之陽泰里師事唐一卷先生學究性命授武庫

主事歷武選郎移疾歸被誣坐免一意著述所葺
有通史經正錄學術書二篇壽八十八靜志居詩
話守中卜宅思溪掘地得宋王觀察永
從墓亟掩之而築室以居不以為忌

許孚遠

儒林錄字孟中德清人從唐一菴學登嘉靖
壬戌進士授南工部虞衡主事督龍江關瓜

儀河道皆著廉仁聲調南吏部考功在留都盛講
學隆慶改元移疾歸起廣東僉事值廣有倭警乃
發十策以水陸夾攻為要領擒降甚眾又建善後
十二議移闕臬當內察忌之者掌考功乃謫官萬
歷初擢南太僕丞出為建昌守在郡不廢講學給
事鄒南臯特疏薦之遷陝西提學副使以身範士
考核肅然歷晉右僉都御史巡撫福建疏請罷倭
乞封弛商海禁及定饑民之亂免呂宋之罪擢南
大理卿晉南兵部右侍郎改北兵左其在南都以
閒曹講學與禮部楊起元俱為領袖持論不同旁

觀者頗起口語將借講學中以外計行至清源聞之稱疾乞歸卒贈工部尚書學者稱敬菴先生著有論語述和堂集

蔡汝楠

儒林錄字子木號白石德清人八歲侍父阮聽講於甘泉座下輒有解悟年十八舉進士

授行人歷官至兵部侍郎改南工部卒汝楠初汎濫於詞章所至與朋友登臨倡和為樂守衡州始與諸生窮經於石鼓書院而趙大洲來遊為之開拓其識見叅政江西以後親証之東廓念菴於是平居所授於甘泉隨處體認天理之學始有著落

王汝源

舊烏程縣志字以仁嶧縣訓導日與諸生講性理圖書之學轉義烏教諭士聞風至爭趨

於正陞岳州教授不赴年九十著有太極通書二述

姚舜牧

萬歷湖州府志字虞佐烏程人領萬歷癸酉鄉薦慕唐一菴許敬菴之學自號承菴探道

淵源屏去訓詁所撰四書五經疑問凡三易稿而成今新興再令廣昌愛民如子造士如師歲大禋力為當事籌救荒之策賑濟不遺餘力所著家訓真切過於顏氏劉中丞一焜楊直指鶴俱造廬執弟子禮為建羽翼六經妨於會城享年八十有五一日徧別親故肅衣冠端坐而逝

姚翼

兩浙名賢錄字翔卿旭子少從一卷荆川兩唐先生游許為入室弟子年四十九始及貢授新

淦縣學訓導徙黃州府教授遷廣濟知縣聞布衣吳自守能服行古禮單車就其盛風勵百姓吏無遺贖庭無留獄去官歸苕上南城屋數楹圖書數卷蕭然四壁時脫故袍帶贄酒事父母以孝聞親沒營葬不以貧故儉其親其他冠婚烝嘗並綿葛古禮著有師友淵源錄晚尤好易題其讀書處曰

玩畫齋學者
稱海屋先生

寧波府

宋

樓郁

延祐四明志字子文自奉化徙鄞志操高厲學前以窮理為先慶歷中掌教縣庠又教授郡學前

後三十年一時英俊皆在席下知名者豐稷袁穀羅適也登進士第調廬江主簿自以祿不及親絕

意仕進以大理評事終於家有遺集三十卷

杜醇

延祐四明志居慈溪孝友稱於鄉里耕桑釣牧以養其親經明行修學者以為模楷慶歷中鄞

始建學縣令王安石請為師醇辭以再強起之始就焉慈溪令林肇立學又起為師二邑文風之盛

自先生始王安石慈溪縣學記起先生杜君醇為之師而興於學杜君者越之隱君子其學行宜為

人師者也

王致

延祐四明志鄞人與同郡楊適杜醇二人為友俱以道義化鄉里諸生子弟師尊之嘗與牧守

言政事王安石曰無事於職而愛民之心乃至於此可以為仁矣年七十樂道安貧浩然無悶鄉人高其行

汪洙

兩浙名賢錄字德溫鄞人九歲能詩稍長淹貫經史登元符進士第授明州教授著春秋訓詁

召陞宮教歷官至觀文殿大學士提舉台州崇道觀築室西山月集諸儒講學以教授族間之子弟鄉稱崇儒館卒諡文莊子思溫觀文殿大學士思齋端明殿大學士孫大猷敷文殿大學士

高閔

宋史本傳字抑崇鄞縣人紹興元年以上舍選賜進士第召為秘書省正字時將賜新進士儒

行中庸篇閔奏儒行詞說不醇請止賜中庸庶幾學者得知聖學淵源從之權禮部員外郎兼史館校勘對言春秋之法莫大於正名今朝廷兵柄自分為二而省曹官屬乃與史胥無異名為臺官實無言責此皆名之未正也尋遷著作佐郎以言者論罷主管崇道觀召為國子司業閔奏宜先經術帝然之條具以聞中興以後學制多閔所建白乞臨雍率諸生上表以請於是帝幸太學閔少宗程顯學宣和末楊時為祭酒胡安國至京師訪士於時以閔為首除禮部侍郎李文會承秦檜旨劾閔出知筠州不赴卒

著有春秋傳於世

蔣璿

延祐四明志字季莊慈溪人宣和間鄞王氏之學不專科舉閉門窮經不妄與人接高閔率一

歲四五訪其廬瓚必倒屣迎相對小室極意講論
自晝竟夜殆忘寢食去則送數里或問故閔曰閔
終歲讀書凡有疑而未判與所缺而未知
者每積至數十輒一叩之無不迎刃而解

趙敦臨

延祐四明志字芑民紹興五年進士授蕭山
縣簿校劉道原外紀刻於越為湖州教授魏

丞相杞汪尚書大猷皆其門人語孟書禮春
秋皆有解深寧王先生嘗輯其遺文為之序

卞圜

嘉靖寧波府志字子車象山於書無所不讀
入太學蜚騰英譽人號卞夫子登紹興三十年

進士第授揚州倅著論
語大意二十卷行於世

楊簡

宋史本傳字敬仲慈溪人乾道五年進士授富
陽主簿會陸九淵道過富陽問答有契遂定師

弟子禮為紹興府司理犴獄必親臨端默以聽使
自吐露常平使者朱熹薦之差浙西撫幹出諸葛

亮正兵法肄習之軍政大修丁外艱服除知樂平
縣興學訓士諸生聞其言有泣下者夜無盜警路
不拾遺紹熙五年召為國子博士會斥丞相趙汝
愚簡上書言汝愚之忠亦遺斥寧宗更化遷著作
佐郎兼權兵部郎官極言弭災消禍之道授著作
郎將作少監入對答問徃復漏過八刻上目送久
之以面對所陳未行求外補知溫州在郡廉儉自
將民愛之如父母咸畫像事之遷駕部員外郎授
朝議大夫理宗即位賜金幣以大中大夫致仕卒
所著有甲稿乙稿冠記昏記喪禮家記家祭禮釋
菜禮記石魚家記又已易啟閑等書後咸淳間制
置使劉黻即其居作慈湖書院理學姓氏簡居太
學循理齋秋夜宴坐忽覺天地萬物通為一體嘉
定元年極言時弊三劄上俯首諦視至飢民相食
處蹙額久之人爭傳誦流至
北境曰此江南揚夫子也

袁燮

宋史本傳字和叔鄞人生而端粹專精乳媪置槃水其前玩視終日夜卧常醒然入太學登進

士第調江陰尉浙西大飢燮命每保畫一圖田疇山水道路悉載之居民名數治業悉書之合保為都合都為鄉合鄉為縣征法爭訟追胥披圖可立決以此為荒政首寧宗即位以太學正召時朱熹諸儒相次去國燮亦以論去嘉定初召主宗正簿樞密院編修知江州改提舉江西常平召為都官郎官遷司封對言陛下已深知彭龜年之忠一龜年雖沒衆龜年繼進天下何憂不治遷國子司業進祭酒延見諸生必迪以反躬切己忠信篤實是為道本間者悚然有得除禮部侍郎兼侍讀時史彌遠上和燮爭益力臺論劾燮罷之起知溫州進直學士奉祠卒燮初入太學陸九齡為學錄同里沈煥楊簡舒璘皆在學以道義相切磋後見九齡之弟九淵乃師事焉每言人心與天地一本精思

以得之兢業以守之則與天地相
似學者稱曰潔齋先生諡正獻

沈煥

宋史本傳字叔晦定海人試入太學與臨川陸九齡為友從而學焉乾道五年舉進士授揚州

教授召為太學錄以所躬行者淑諸人早暮延見學者同僚忌其立異請黜之調高郵軍教授歲早常半使分擇官屬賑恤得上虞餘姚二縣無復流殍改知婺源三省類薦以開遂通判舒州閒居雖貧猶不廢讀書周必大曰益者三友叔晦不愧也煥人品高明而其中未安不苟自恕常曰晝觀諸妻子夜卜諸夢寐二者無愧始可

以言學

追贈直華文閣諡端憲

舒璘

宋史沈煥傳字元實一字元賓奉化人入太學張棻官中都璘往從之又從陸九淵朱熹呂祖

謙學以書告其家曰敏林疏席總是佳趣櫛風沐雨反為美境舉乾道八年進士為徽州教授詩禮

久不預貢士學幾無傳璘作詩禮講解家傳人習
自是其學寔盛丞相留正稱璘為當今第一教官
司業汪遠薦知平陽縣郡正頗奇璘以民病告辭
嚴義正守為改容秩滿通判宜州卒璘嘗曰師道
尊嚴璘不如叔晦若啓迪後進則璘不敢多遜表
變謂璘篤實不欺無一毫矯偽楊簡謂璘孝友忠
實道心融明淳祐中特諡文靖

胡謙

胡誼

成化四明郡志字牧之別號東齋奉川
人與弟誼師事正獻袁先生變傳陸象

山學著易說易林若干卷誼字正之號觀省佚翁
著尚書釋疑十卷觀省雜著三十卷兄弟文學為

鄉儀表

王茂剛

延祐四明志居明州林村在巖壑深處刻意
讀書足跡未嘗妄出尤邃於周易沈煥通判

州事嘗訪之其見趣
特出於傳註之外云

孫枝

至正四明續志字吉甫鄞人從鄉先生沈鍊學以真實為本教授鄉校者十年與鍊之子煥相

友善又登朱文公之門學問益精粹著書解十三篇袁正獻變見而歎曰初謂子善為文不意造理

乃爾寧宗即位詣公車上書極言天下大計不見省嘉定七年登進士第其子起予同榜郡守程粟扁其里曰重桂鄉人榮之江淮帥延至幕府枝以祿不及親辭弗就起予為昭武叅軍入為監察御

史至太常少卿

高元之

延祐四明志字端叔武烈王瓊七世孫建炎間父寓籍明州因家焉家貧無書得易編口

誦不輟數月忘盟櫛後受易春秋學於沙隨程迥時傳伯成為郡教授折節與之交元之作變離騷

九篇宋諸儒擬騷弗能及也集春秋說三百餘家
號義宗悉本經旨三百五十卷易詩論語後漢歷
志解各一卷詩三千雜著五百號茶甘甲乙
稿五上禮部不第門人俱顯仕號萬竹先生

張慮

宋史本傳字子必慈溪人慶元二年進士授州
教授浙東帥督新昌舊逋慮手書諫力辭不行

改太學正轉對言人主當以靜制動或有缺薄傷
國體者宜草之帝嘉納焉遷國子監丞轉對願立
主正論勿使迎合之人得以投吾機遷秘書郎兼
吳益王府教授改兼莊文府講毛詩終篇乞改讀
尚書帝曰吾固以詩書成麟趾之美也遷著作佐
郎兼權都官郎官對言邊事議論貴一用人不可
嘗試任人不可自疑遷著作郎以疾乞外出知南
康築城平糶民賴其力移知溫州遂直秘閣上書
論海防利便主玉局觀端平初召為國子司業兼
侍講升祭酒以為月令諸書雖出於呂不韋然人

主後天而奉天時此書不為無助乃因已講者為十二卷乞按月觀之煎權工部侍郎命下卒詔贈

四官兩浙名賢錄
辛年八十諡文靖

王應麟

宋史本傳字伯厚慶元府人九歲通六經差祐元年舉進士從王堃受學調西安主簿差

監平江百萬東倉調浙西提舉常平茶鹽主管帳司初應麟登第言曰今之事舉子業者沽名譽得則一切委棄制度典故漫不省非國家所望於通儒於是閉門發憤誓以博學宏辭科自見假館閣書讀之寶祐四年中是科逸國子錄進武學博士丁大全欲致應麟不可得遷太常寺主簿面對邊事言願汲汲預防毋為壅蔽所欺時大全詳言邊事於是應麟罷未幾大全敗起通判台州召為太常博士擢秘書郎慧星見應詔極論執政侍從臺諫之罪遷著作佐郎度宗即位授禮部郎官遷秘

書少監兼侍講賈似道語包恢彼蓋少自貶損恢
以告應麟笑曰迂相之惠小負君之罪大似道斥
逐之主管崇禧觀久之起知徽州其父撝嘗守是
郡父老皆曰此清白太守子也摧豪右省租賦民
大悅召兼侍講遷起居郎兼權吏部侍郎指陳成
敗逆順之說似道復謀斥逐遠應麟以母憂去及
似道潰師江上授中書舍人兼直學士院疏陳十
事請集諸路勤王之師惟能戰斯可守進禮部侍
郎尋轉尚書兼給事中左丞相留夢炎用徐囊為
御史應麟奏囊與夢炎同鄉引以自助善類為所
搏噬疏再上不報出關俟命遂東歸後二十年卒
所著有深寧集玉堂類稿掖垣類稿詩考詩地理
考漢藝文志考證通鑑地理考因學記聞蒙訓集
解踐阼篇補註急就篇補註王會篇小學紺珠玉
海詞學指南詞學題苑筆海姓氏急
就篇漢制考六經天文編小學諷詠

黃震

宋史本傳字東發慈溪人寶祐四年登進士第調吳縣尉攝長洲華亭皆有聲擢史館檢閱與

修兩朝實錄輪對言當時大弊曰民窮曰兵弱曰財匱曰士大夫無恥乞罷給度僧道牒收其田入可以富軍國紓民力時宮中建內道場故首及此帝怒批降三秩用諫官言得寢出通判廣德軍初孝宗頌朱熹社倉法於天下而廣德則官置此倉民困於納息至自經震為別買田六百畝以其租代社倉息約非凶年不貸而貸者不取息郡守賈蕃世驕縱不法震數與爭論蕃世積不堪疏震撓政坐解官撫州饑起震知其州不抑米價價日損親煮粥食餓者補刻六經儀禮修復朱熹祠制祭社稷器復風雷祀禁競渡船改提點刑獄決滯獄清民訟赫然如神明移浙東提舉常平進左侍郎官及宗正少卿皆不拜震嘗告人曰非聖人之書不可觀無益之詩文不作可也若日抄百卷卒門

人私諡曰
大潔先生

舒津

舒澣

兩浙名賢錄津字通叟奉化人讀書積學期至古人景定三年進士遷太學博

士知平江蒞事勤敏雅志澹如著績蒙求尚書解春秋集註十七史綱目從弟澣字平叟景定元年入太學講明正學雖寒暑弗懈著易釋二十卷繫詞說三卷讀書隨筆五卷心經六卷一門經學人謂得文靖之傳

曹說

嘉靖定海縣志字習之痛其父死李全之難絕葷酒婚宦刻志問學五經有解後學問難疊

不倦酬答從故家借書先請書目一閱即能言其本末平生無喜愠嘗戒學子絕人我則天理自著為易解全書分辭變象占學者稱泰宇先生詩文三十卷精潔可傳

元

程端禮

元史韓性傳字敬叔鄞人幼穎悟純篤十五能記誦六經晚析大義慶元自宋季皆尊尚

陸九淵氏之學端禮獨從史蒙卿游以傳朱氏明體適用之指學者及門甚衆著有讀書工程國子

監以頌示郡邑校官為學者式仕衢州儒學教授卒年七十五

程端學

成化四明郡志字時叔號積齋端禮弟至治進士授國子助教考滿陞國史院編修每論

謨為學士虞伯生所推服南宋間四明學者多宗陸氏惟黃東發史蒙卿獨宗朱氏端學與其兄端禮師蒙卿盡得朱子之指平居方毅剛正一舉動必合禮法人以比河南程氏二夫子在國學時慨春秋在六籍中未有一定之論乃取前代百三十家折衷異同著春秋本義三傳辨疑春秋或問經

廷官請取其書板
行天下以授來學

黃叔英

黃潛黃叔英墓誌字彥實慈溪人文潔先生
震遠於經術生三子俱克紹家學而叔英最

小介然特立尤酷肖焉治其居曰蕝菴閉門讀書
嘗為晉陵宣城蕪湖三學教諭又為和靖采石兩
院山長於經史百氏之書過目輒成誦為文雋拔
偉麗意氣奔放若不可禦而要其歸能弗畔於道
有蕝菴暇筆三卷
詩文雜著二十卷

王昌世

黃潛王昌世墓誌字昭甫尚書應麟子以恩
補承務郎未及祿而宋亡尚書杜門不出取

經史諸書講解論辨昌世聽受無倦自是於名理
經制治道之體統古今禮典之因革殊間異見靡
不究悉蓄書萬餘卷燬於火露抄雪纂至忘寢食
書以復完為文一發於本實尤精於易占驗如前

知云當世諸公薦章交上昌世力辭曰士之大節嗣守為難敬身所以敬親得讀父書求己志以畢此生足矣不願乎外也性孝友與人交重然諾亦不苟為阿附卒年六十一

蔣宗簡

成化四明郡志字敬之宋尚書猷之六世孫幼嘗受經於天台翁伯章後程端禮自江東

書院山長歸宗簡師事之日與同里鄭覺民王厚孫講明正學折衷易書春秋諸家之說兩為郡庠訓導繩繩有師法所著易集義詩答問春秋三傳要義藏於家兩浙名賢錄翰林柳貫嘗異其文方具薦牘而宗簡已屬病不起年三十有二人以願子方之

趙偕

兩浙名賢錄字子永慈溪人初業舉子嘗讀楊文元公所著書恭然自得乃悉棄舊學尊崇之

雖處山林恒有憂世之色邑令陳文昭親至門受學平居躬行孝友日舉聖賢之言以裁狂簡學者

稱爲寶

岑先生

劉希賢

成化四明郡志字仲愚鄞人少嗜學長從鄉先生薛觀景荀學春秋博習強記爲文敏疾

至順間中浙江鄉試復中春闈授太平路天門書院山長講論經傳得其指歸調長信州白石書院江西行中書叅政蘇伯修咨以治道希賢條答之切中時宜後改會稽教諭見雅樂敏弛歎曰聖人制樂所以格神人和上下定民志詎可小視哉乃捐俸率諸生命工修飭陞江浙儒學提舉致仕壽六十有六所著有春秋比事餅窩類稿自號木石子人稱木石先生

孫庚

兩浙名賢錄字居純慈溪人生而穎悟志操端謹嘗從師力學同舍生以其貧斥遠之庚不動

容色益刻苦自力由是問學淹貫及門若桂彥良王桓陳恭皆以學行著聲其他請益執經者循循

善誘必使知所趨行貧者且私給之使有成業邑
長伊濟布哈持嘉布哈咸以師禮禮之及卒貧不
能斂門人執喪葬禮者數
百人有雪磯集若干卷

明

鄭駒

成化四明郡志字千里鄞人持身修潔為文溫
潤鎮密洪武初聘為邵庠訓導陞義烏教諭皆

能以道淑人宋濂自翰林歸里見即推重以賓
禮遇之弟真鳳並以文學著名人目為三驥

鄭真

成化四明郡志字千之駒弟研窮六籍尤長於
春秋草廬吳先生策問治道十二事皆經史之

雋永真答之無凝滯洪武四年鄉試第一授臨淮
教諭晉王之國道經臨淮召講春秋開陳大義炳
如日星王喜稱為鄭先生陞廣信教授嘗編四
明文獻著集傳集說集論及雜著詩文六十卷

桂彥良

分省人物考慈溪人洪武初應薦召見授太子正字問治道對以正心為本而正心之要

又在懲忿窒慾上善之擢晉王府右傅既致仕條陳十二事名曰萬世太平要策以進著有和陶詩

清節等集儒林錄名德以字行日南至有事園丘上以祝文謹主者彥良曰予小子履湯用於郊我

將我享武歌於廟以古率今未足深譴上笑曰卿動援經史屢聞獻替稱善久之嘗曰卿帝者師又

曰江南大儒惟卿一人後以病免歸彥良故慶元府判葉同子也生之夕火光如流星母謂不祥棄

勿育桂氏漸而子之故從桂姓

桂同德

兩浙名賢錄慈溪人謹厚敦樸篤信好學聞於遠邇請益者無虛日教授郡庠以德行為

本懇懇言曰窮經窮史固學者事而入孝出弟尤所當先今日之孝即他日之忠忠孝兩全人道備

矣故一時親炙其教者咸
有成立所著有容齋集

錢唐

儒林錄字惟明象山人元末隱山谷中明太祖
登極唐年將六十應詔赴京敷陳王道裁正禮

樂超拜刑部尚書嘗諫宮中不宜揭武后圖忤旨
待罪午門外至日昃上悟命賜飯立撤其圖洪武
三年上讀孟子至土芥寇讐之說欲去配享詔敢
陳者罪以不敬且命金吾射之唐獨抗疏入諫輿
視自隨袒胸當箭曰臣得為孟軻死有餘榮上
見其誠懇立命太醫療其箭瘡於是孟子配享得
不廢厥後命儒臣修孟子節文以月贖乞歸尋謫
壽州卒獻徵錄洪武二年詔孔子春秋釋奠天下
不必通祀唐上言孔子百年宗師天下祀孔
子如天下祝萬壽禮不可廢太祖從其議

陳端禮

兩浙名賢錄字履中定海人博究羣籍動不
踰矩集子弟講明經術謂聖賢之學自修身

齊家以達於天下寧拘拘章句耶弟治從子憲相繼登第為御史端禮作廉說以規之曰汝輩盡忠朝廷不負予教則予得肆情泉石矣乃築室別墅邃心著述時鄭珞為郡守始行鄉飲禮詣門迎之說者謂賓主俱賢有裨風教著有喪祭禮儀註解

傅淳

明一統志字伯厚慈谿人父時偕以道學鳴於鄉淳能傳其學鄉人稱為退密先生有洪範敷

言性理叢說大學補畧視志稿藏於家

陳敬宗

吾學編字光世慈谿人永樂癸未進士選庶吉士預修永樂大典成授刑部主事永樂十

二年預修高皇寶錄成改翰林侍講宣德改元轉南國子監司業秩滿陞祭酒以師道自任嚴立教條痛改舊習日勵諸生進學成德官太學二十餘年諸生多位至卿貳公獨久不調意豁如也時北

監祭酒李時勉身教亦嚴世稱南陳北李景泰元年致仕有淡菴居士集卒時年八十三彭時為之年贊曰行方而嚴學優而粹勢力紛如頽然無累抑抑德隅人望知畏詞林重輕卜其進退時有古廉與公作配古廉即時勉也名山藏正統中考績赴京王振慕而求見辭而避之嘉靖中贈禮部侍郎

定論文

黃潤玉

分省人物考字孟清鄞人幼就塾生立屹然讀書過目成誦詔徙江南殷實戶實北京父

當行潤玉求代官少之對曰父去日益老兒去日益長卒行抵北京懇園種蔬以為活稍隙即肆力於學以一心為嚴師以聖賢為矩矱舉鄉薦授學官拜監察御史為廣東僉事提學屏澆薄獎賢俊士風丕變改湖廣按察使忤巡撫都御史李實被劾謫知含山縣請老歸兩浙名賢錄潤玉之學以

知行為兩輪嘗曰明理務在讀書制行要當謹獨
平生著述甚富以朱子嘗欲編禮記附儀禮乃取
儀禮分為四卷而以禮記比類附之又以五禮獨
缺軍禮因取周官大田禮補之而以禮記諸篇載
田事者附焉通為之註釋總
曰儀禮戴記附註藏於家

張邦奇

嘉靖寧波府志字常甫鄞人年十五著反駁

討出為湖廣提學副使下令曰學不師孔顏行不
希曾閔即才如雄褒吾且斥之至今楚人言善教
者必曰張提學云厯遷春坊庶子國子祭酒至南
兵部尚書卒贈太子太保諡文定邦奇之學以人
性為無不善以聖賢為必不可師日繹洙泗漁洛之
旨危坐一榻目無流視耳無傾聽口無誕語提其
身納之矩矱兢兢焉初在翰林時嘗作觀頤錄在
國子時作昭事錄平生所著有五經說大學中庸

傳觀光紆玉樓環碧堂養
心亭靡悔軒四友亭諸集

鄭滿

舊浙江通志字守謙慈谿人祖子躬與同邑陳敬宗以學問相劇切永樂間三舉賢良不應父

孔周亦力學不仕滿承家學詩文淳古舉弘治壬子鄉試任臨清學正通州濮州知州所至士民畏愛為政好行其所學著有詩經講義三禮合參勉齋詩稿謙齋文稿若干卷

李朴

儒林錄字質夫號北江鄞人年十二補弟子員杜門發憤探討義文精研雜聞其躬行實踐大

抵以克己主敬為的浙東觀察鄧志興請主繼湖書院受業者戶外屢滿列課規十則匡翼之士翕然奮起親沒哀毀骨立負土築墳墓六年不入城市五十無子或勸納妾曰同堂弟未婚配而吾畜兩婦乎未幾舉一子尚默登隆慶戊辰進士克紹家學為名御史晚構救一齋安貧樂道終其身卒

年八十四著有研田說辨性錄省心編問業
証疑論學書訓子箴北江詩文集行於世

黃宗明

明儒學案字誠甫號致齋鄞人正德甲戌進士授南京兵部主事陞員外郎諫上南巡請

告歸嘉靖癸未補南刑部出守吉安有能名轉福建鹽運使召修明倫大典丁母憂不行己丑陞光

祿寺卿輯光祿須知以進轉兵部右侍郎出為福建參政明年召補禮部侍郎卒宗明受學於陽明

陽明謂當一日千里任重道遠吾非誠甫誰望耶

戴圭

兩浙名賢錄字秉誠鄞人潛心易學踐履篤實嘗語人曰學要謹獨誠意以修身不怨天不尤

人久之則與天為一揭諸屋楹曰人中合下渾無我地上元來都是天性謹厚言動雍默衣冠儼然至談道理論當世事竟日不休未嘗出一俗語易箴曰語子乾曰大學語孟首章皆是天命之性聖

賢之言一轍也若有易經大旨四書要畧乃要說等書人稱為野橋先生

傅光前

儒林錄字長孺鄞人成化進士為南太常博士南中講會甚盛有同志五六輩相與參究

心性夜歸闔戶自參不得則長跪達旦家人穴視驚愕不知所為如是累月忽有省談議媿媿無所

滯而於激發人尤懇篤擢稽勳郎語周汝登曰向後工夫正無窮盡特較前稍易耳願各自努力

錢啟忠

舊浙江通志字沃心鄞人崇禎戊辰進士觀政即上書請復書院投南康府推官主教鹿

洞刻二程語錄陽明傳習錄近溪語錄與朱天麟講學轉刑部主事出為山東提學副使

國朝

萬斯大

萬氏宗譜字充宗鄞人考廉泰第六子為學以窮經為己任尤精春秋三禮於春秋則有

專傳論世屬辭比事原情定罪諸義例於三禮則
有論郊社論禘論宗祖論明堂泰壇論喪服諸發
明皆自來先儒所未有為人剛毅有守不可屈撓
生一子甫九齡而婦歿不再娶處朋友勸善規過
不少假借兄斯選字公擇躬行實學為蕺山弟子
平日取朱子半日靜坐半日讀書之說謂分別理
欲惟於靜中最為親切初學正須猛自提醒使此
心卓然久之自然純熟嘗正襟危坐不聞聲息及
事至則怡然順應了無隔碍所著事心錄皆有得
之言舊浙江通志斯大精於經學著有學禮質疑
儀禮商禮記偶箋周
官辨非學春秋隨筆

浙江通志卷一百七十五